

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Aningaasaqarnermut tunngasut

Imm. 02 Aningaasaqarnermut ataatsimiititaliap 2011-mi ukiumoortumik nalunaarusiaa.

Imm. 03 Qeqqani Inuutissarsiornermut Siunnersuisoqatigiit kiffartuussinissaannik 2012-mut isumaqatigiissut.

Suliassat nalinginnaasut

Imm. 04 Inuutissarsiutitigut 2012-imut pilersaarut.

Imm. 05 Oqaluuserisassatut siunnersuut – Inuutissarsiornermut Siunnersuisoqatigiit allatseqarfiata kommunip allaffissuanut nuunnissaa.

Imm. 06 Oqaatsinut politikki pillugu inatsisip allangortinnissaanut siunnersuutip tusarniutaanera.

Imm. 07 Kommunimi pilersaarummut tapiliussassap nr. 43 Umiarsualivimmut aqqutissat inaarutaasumik akuersissutiginnissaa.

Imm. 08 Kommunimi pilersaarummut tapiliussassap nr. 44 Minngortuunnguup Atuarfia inaarutaasumik akuersissutiginnissaa.

Imm. 09 Sisimiuni Utoqqaat Angerlarsimaffiata allilerneqarnissaanut Kommunip pilersarusiorneqarneranut tapiliussatut nr. 47-tut siunnersuut.

Imm. 10 Matoqqasunut nuunneqarpoq.

Sulisogarnermut tunngasut

Imm. 11 Atorfeqartitanut tunngasutitigut paasissutissiineq - 2. marts 2012-imeersoq.

Malinnaatitat

Imm. 12 Kalaallit Nunaanni inuussutissarsiornermut suliassat angisoorsuit piviusunnagortinneqarnissaannut atugassarititaasussanut killissaliussat pillugit nassuiaat.

Imm. 13 Kangerlussuarmi A7-imi siullermeertumik sanaartorfigissaasoqarnissaanut missingersuutitigut nuutsineq.

Imm. 14 Sisimiuni ikuallaavimmut eqqagassanut angisuunut aserorterut nutaaaq.



Imm. 15 Nunap iluata sanaartorfissaqqissusianik misissuinissamut qillerutip
tunniunneqarnissaa.

Imm. 16 Nunaannarmi allagartalersuineq paasissutissiinerlu.

Imm. 17 Tamalaat.



Ataatsimiinneq aallartippoq nal. 8:30

Peqataasut:

Atassut

Godmand Rasmussen, Sisimiut

Inuit Ataqtigiit

Katrine Larsen Lennert, Sisimiut

Siumut

Hermann Berthelsen, Sisimiut

Karl Lyberth, Maniitsoq – oqarasuaatikut peqataavoq

Søren Alaufesen, Sisimiut

Nalunaaruteqarlutik peqataannngitsut:

Nalunaaruteqaratik peqataannngitsut

Imm. 01 Oqaluuserisassat akuersissutigineri

Aalajangiineq

Imm. 10 matoqqasunut nuunneqarpoq.

Oqaluuserisassat akuersissutigineqarput.



**Aningaasaqarnermut ataatsimiititaliap marsip 8-ni 2012-imi ileqqusumik ataatsimiinnerata
02/2012-ip imaqarniliornera**

Imm. 02 Aningaasaqarnermut ataatsimiititaliap 2011-mi ukiumoortumik nalunaarusiaa

Journalnr. 06.00

Pissutsit atuuttut

Atuineq/isertitat 100,0 procentimiissapput, atuinerit atsikutikkaartumik ingerlasimagaluarpata.

Allaffissornermut tunngasut

Alaaffissornermut tunngasut		Missingers	Tapiliussat	Akuersiss.	Atuineq	Sinneruttut	Atuineq
Konto	Kontop taaguutaa	(1.000 kr)	(1.000 kr)	(1.000 kr)		(1.000 kr)	i %
10	Qinikkanut aningaasartuutit	7.939	-750	7.189	6.549.115	640	91,1%
11	Kommunimi allaffissorneq	68.844	5.511	74.355	71.737.826	2.617	96,5%
12	Kantinamik ingerlatsineq	972	0	972	972.059	0	100,0%
13	IT-qarneq	8.284	-702	7.582	7.321.062	261	96,6%
18	Akimoortumik suliat	7.376	-160	7.216	6.302.735	913	87,3%
Allaffissornermut tunngasut katillugit		93.415	3.899	97.314	92.882.797	4.431	95,4%

Allaffissornermut tunngasut ataatsimut katillugit 92,9 mio. koruuninik atuiffiusimapput, aningaasaliissutinit 97,3 mio. koruuniusuniit. Tassalu 95,4 procentinik atuiffiusimalluni.

Konto 10

Qinikkanut aningaasartuutit		Missingers.	Tapiliussat	Akuersiss.	Atuineq	Sinneruttut	Atuineq
Konto	Kontop taaguutaa	(1.000 kr)	(1.000 kr)	(1.000 kr)		(1.000 kr)	i %
10-01	Kommunalbestyrelsi	5.041	-150	4.891	4.775.579	115	97,6%
10-02	Nunaqarfimmi aqutsisut	2.130	-300	1.830	1.561.803	268	85,3%
10-11	Qinersineq	212	0	212	84.776	127	40,0%
10-16	Qinikkanut allatigut	556	-300	256	126.957	129	49,6%
Qinikkanut aningaasartuutit katillugit		7.939	-750	7.189	6.549.115	640	91,1%

Qinikkanut aningaasartuutit 4,7 mio. koruuninik atuiffiusimapput, aningaasaliissutinit 4,8 mio. koruuniusuniit. Tassalu 97,6 procentinik atuiffiusimalluni. Nunaqarfimmi aqutsisut tamarmik nalinginnaasumik atuiffiuninnerusimapput (kt.10-02). qinersineq konto 10-11-mi Folketingemut qinersinermi aningaasartuutit ikkunneqarsimapput.

Kontot allat (kt.10-16) 49,6 procentinik atuiffiusimavoq, kontup iluani atuiffinni sisamaasuniit pingasut atuinikinneruffiusimammata. Nalinginnaasumik pisisarnermi konto 100 procentinik atuiffiunerusimavoq, tassa kommunalbestyrelsip akunnaatsuliinerni nalliuttorsiornernilu tunissutigisartagai tassunga ikkunneqartarmata.

Konto 11

Kommunimi allaffissorneq		Missingers.	Tapiliussat	Akuersiss.	Atuineq	Sinneruttut	Atuineq
Konto	Kontop taaguutaa	(1.000 kr)	(1.000 kr)	(1.000 kr)		(1.000 kr)	i %
11-00	Kommunimi allaffissorneq	66.083	5.511	71.594	67.987.112	3.607	95,0%
11-01	Allaffissornermi illuutit	2.761	0	2.761	3.750.714	-990	135,8%
Kommunimi allaffissorneq katillugit		68.844	5.511	74.355	71.737.826	2.617	96,5%

Kommunimi allaffissornermut aningaasaliissutiniit 67,9 mio. koruuninik atuisoqarsimavoq, aningaasaliissutinit 74,7 mio. koruuniusuniit. Tassalu 96,5 procentinik atuisoqarsimalluni. Kommunimi allaffissornermut (kt. 11-01) 990 tusind koruuninik atuisoqarnerusimavoq. Atuivallaarsimanerup annersaa (655 tkr.) innaallagissamut, kiassarnermut uuliamut, taamatullu Teknikkikkut Avatangiisitigullu aserfallatsaaliinermut (270 tkr.) atugaasimallutik.



***Aningaasaqarnermut ataatsimiititaliap marsip 8-ni 2012-imi ileqqusumik ataatsimiinnerata
02/2012-ip imaqarniliornera***

Konto 12

Kantiinamik ingerlatsineq		Missingers.	Tapiliussat	Akuersiss.	Atuineq	Sinneruttut	Atuineq
Konto	Kontop taaguutaa	(1.000 kr)	(1.000 kr)	(1.000 kr)		(1.000 kr)	i %
12-01	Kantiinamik ingerlatsineq	972	0	972	972.059	0	100,0%
Kantiinamik ingerlatsineq katillugit		972	0	972	972.059	0	100,0%

Kantiinanik ingerlatsineq akuersissutit naapertorlugit ingerlasimavoq, naak akuersissutitut sanilliullugu Maniitsumik isertitat affaanaat sinnerlugu isertitaasimagaluit. Tamatumanili akuersissutit malinnaatitsimannginneq patsisaavoq, tassa 2011-mi 568 tusind koruuniusimagamik. Maniitsumi katiinami kaaviiartitsineq ukiuni kingullerni pingasuni agguaqatigiisillugu ukiumut 250 tusind koruuniniisimavoq.

Konto 13

IT		Missingers.	Tapiliussat	Akuersiss.	Atuineq	Sinneruttut	Atuineq
Konto	Kontop taaguutaa	(1.000 kr)	(1.000 kr)	(1.000 kr)		(1.000 kr)	i %
13-01	Ataatsimoorussamik	8.284	-702	7.582	7.321.062	261	96,6%
IT		8.284	-702	7.582	7.321.062	261	96,6%

Qarasaasiaqarnermut tunngasut katillugit 7,3 mio. koruuninik atuiffiusimapput, aningaasaliissutinit 7,6 mio.koruuniusuniit, tassalu 96,6 procentinik atuiffiusimalluni.

Konto 18

Akimoortumik suliat		Missingers.	Tapiliussat	Akuersiss.	Atuineq	Sinneruttut	Atuineq
Konto	Kontop taaguutaa	(1.000 kr)	(1.000 kr)	(1.000 kr)		(1.000 kr)	i %
18-02	Sillimmasiissutit pigaartoqar.	3.238	0	3.238	3.114.326	124	96,2%
18-04	Iloqarfiup pilersaarusiorneqar.	574	-100	474	245.627	228	51,8%
18-06	Ilaas.akiliut. Tapiissutillu	1.962	0	1.962	1.846.953	115	94,1%
18-07	Isumaqaat.mallugit akiliutit	378	0	378	205.143	173	54,3%
18-08	Inunngortunut tunissutit	24	0	24	0	24	0,0%
18-20	nunarfinni aningaasat atugass	1.200	-60	1.140	890.685	249	78,1%
Akimoortumik suliat katillugit		7.376	-160	7.216	6.302.734	913	87,3%

Akimoortumik suliaqarfiit 6,3 mio. koruuninik atuiffiusimapput, aningaasaliissutinit 7,2 mio. koruuniusuniit, tassalu 87,3 procentinik atuiffiusimallutik.

Kommunimi inunngorlaanut tunissutit (konto 18-08) tassapput atuakkat, kommunip pilluaqussutaanut ilanngullugu napparsimavimmi tunniunneqartartoq. 2010-mi Sisimiunut atuakkat 100-it Maniitsumullu 50-it pisarineqarsimapput. 2011-mi nutaanik pisinissaq pisariaqarsimanngilaq.

Kommunip Inuutissarsiutitigut peqataaffii

Konto 37

Kommunip inuutissarsiutitigut peqataaffii		Missingers	Tapiliussat	Akuersiss.	Atuineq	Sinneruttut	Atuineq
Konto	Kontop taaguutaa	(1.000 kr)	(1.000 kr)	(1.000 kr)		(1.000 kr)	i %
37-01	Kommunip inuutissarsiutitigut peqataaffii	4.153	-206	3.947	2.962.060	667	75,0%
Katillugit		4.153	-206	3.947	2.962.060	667	75,0%

Kommunip inuutissarsiutitigut peqataaffii 2,9 mio. koruuninik atuiffiusimapput, aningaasaliissutinit 3,9 mio. koruuniusuniit, tassa 75,0 procentinik atuiffiusimallutik. Atuinikinnerunermut kontomi tamarmi pisimavoq, annerusumillil malunnarluni ”Sisimiut Nittarsaanerat kiisalu Takornariaqarnikkut ineriartortitsineq”-ikkut, tassa 27,2 procentinik atuiffiusimalluni, kiisalu ”Maniitsumi Takornariaqarnikkut tapiissutit”, tassa 60,6 procentinik atuiffiusimalluni.



***Aningaasaqarnermut ataatsimiititaliap marsip 8-ni 2012-imi ileqquusumik ataatsimiinnerata
02/2012-ip imaqarniliornera***

Akileraarutit akilernerit tapiissutillu

Konto 8

Iseritat erniallu		Missingers.	Tapiliussat	Akuersiss.	Atuineq	Sinneruttut	Atuineq
Konto	Kontop taaguutaa	(1.000 kr)	(1.000 kr)	(1.000 kr)		(1.000 kr)	i %
80-01	Inuit akileraarutaat	-275.600	0	-275.600	-283.564.729	7.965	102,9%
81-01	Selskabet akileraarutaat	-4.000	-3.500	-7.500	-7.362.143	-138	98,2%
83-01	Nalinginnaasumik tapiissuti nalimmassaatillu	-275.239	0	-275.239	-275.462.000	223	100,1%
Katillugit		-554.839	-3.500	-558.339	-566.388.872	8.050	101,4%

Qeqqata Kommunia akileraarutitigut, tapiissutitigut nalimmassaarutitigullu 566,4 mio. koruuninik isertitaqarsimavoq, katillugit aningaasaliissutinit 558,3 mio. koruuniusuniit. Tassalu 101,4 procentinik isertitaqartoqarsimalluni. 2011-imut akissarsiatigut akileraarutit tamarmik naatsorsuutitut ikkunneqarsimapput. Iseritaqarnerussutitut patsisaavoq, kommuni februaarip qeqqani 2012-imi 2007-imiit 2009-mut akileraarutit naammassineritut atatillugu Akileraartarnermut Aqutsisoqarfimmiit 7,5 mio. koruuninik inaarutaasutut akileraarutitissarsimmat. Selskabit akileraarutaasigut 3,4 mio. koruuninik isertitaqartoqarneruvoq, tassa aningaasaliissutaqqaartunut sanilliullugit.

Allatigut isertitat naleerutsitsinerit

Iseritat erniallu		Missingers.	Tapiliussat	Akuersiss.	Atuineq	Sinneruttut	Atuineq
Konto	Kontop taguutaa	(1.000 kr)	(1.000 kr)	(1.000 kr)		(1.000 kr)	i %
85-01	Erniatigut isertitat	-1.791	0	-1.791	-1.892.103	101	105,6%
85-02	Ernianut aningaasartuutit	0	0	0	1.317	-1	0,0%
85-03	Iluarsiissutit isertitallu allat	0	0	0	0	0	0,0%
85-04	Inissianit attartortakkanit aningaasaatitigut iluanaarutit	-11.185	0	-11.185	-11.153.840	-31	99,7%
86-01	Iseritat allat	0	-289	-289	-356.044	67	123,2%
86-02	Inissianik tuniinerit	-1.520	0	-1.520	-373.147	-1.147	24,5%
86-03	Sanaartorfissaanermut akiliutit/ kuuffissuarnut atasusert.	-3.080	0	-3.080	-4.530.717	1.451	147,1%
88-00	Naleerutsitsinerit	1.100	0	1.100	496.828	603	45,2%
Katillugit		-16.476	-289	-16.765	-17.807.706	1.043	106,2%

Qeqqata Kommuniata allatigut isertitai 17,8 mio.koruuniupput, katillugit aningaasaliissutinit 16,8 mio. koruuniusuniit, tassa 106,2 procentinik atuiffiusimalluni.

Iseritat allat (konto 86-01) tasaanerullutik kommunit peqatigiiffiata FBS-ip (arlaatigut ajutoortoqarsinnaanra ingalassimaarniarlugu kommunit immikkoortullu Peqatigiiffiat) atorunnaarneratigut iluanaarutit 284.450 koruuniusut.

Illuutit tunisineq (kt. 86-02) naatsorsuutigisamiit annikinnerungaatsiarpoq.

Akiani sanaartorfissaanikkut isertitat / kuuffissuarnut atassusiinertigut isertitat (kt.86-03) naatsorsuutigisaniit annertunerungaatsiarimapput.

Isumakkeerinnermi kontop takutippaa, 497 tusind koruunit isumakkeerinnissutaasimasut, tassa akuersissutit affaasa missaat.

Ukiup naanerani aningaasaatit

Pigisat nalillit 84,7 mio. koruuniniit 72,1 mio. koruuninut appariarsimapput. Taamatut inissinnermut patsisaapput, 2011-p aallartinnerani aningaasaatit, 2011-mi ingerlatsinikkut naammassiat 5,8 mio. koruuniusut, taamatullu 2011-mi nikeraataasa inissinnerat.

2011-p aallartinnerani aningaasaatit	84.767.242
2011-mi ingerlatsinikkut naammassiat	-5.934.000
Illuliornermi attartortitat	-3.184.933
Killiffimmi nikaraatit allat	<u>-3.500.315</u>
2011-p naaneranut aningaasaatit	<u>72.147.994</u>



2011-p naaneranut aningaasaatit pigisat 72.147.994 koruuniunerannut patsisaanerpaavoq, sanaartornermut aningaasaliissutitigut 57,7 mio. koruuninik atuinikinnerusoqarsimanera, taamatullu inuit akileraarutaasigut 8 mio. koruuninik isertitaqarnerusimaneq.

Akiitsut

Akiitsutigut pisassat 2011-p naanerani 58,4 mio. koruuniupput. Akiitsutigut pisassat 2011-p aallartinnerani 61,2 mio. koruuniusimapput, taamalu akiligassatigut pisassaraluit 2,8 mio. koruuninik appariarsimallutik.

Innersuussut

Aningaasaqarnermut ataatsimiititaliamut innersuussutigineqassaaq,

Ukiumoortumik nalunaarusiaq akuersissutigineqassasoq.

Aalajangiineq

Innersuussutigineqartoq akuersissutigineqarpoq.

Ilanngussat

1. Qeqqata Kommuniani ataatsimiititaliakkaatigut oqimaaqatigiissitsineq (imm. 4)
2. 2.1.2012-imi Akiitsut (pisassat)

Imm. 03 Qeqqani Inuutissarsiornermut Siunnersuisoqatigiit kiffartuussinissaannik 2012-mut isumaqatigiissut

Journalnr. 66.15

Tunuliaqutaq

Qeqqani Inuutissarsiornermut Siunnersuisoqatigiit (QIS) kommunimut ukiut tamaasa ukiumi qaammatit pingasut siulliit ingerlanerini nutartigaasartumik kiffartuussinissamik isumaqatigiissut naapertorlugu tapiiffiqineqartarpoq. Qeqqata Kommunian QIS-ilu januaarip 27-ni 2012-imi kiffartuussinissamik nutaamik isumaqatigiissutissatut siunnersuut ataatsimiissutigivaat, taannalu Aningaasaqarnermut ataatsimiititaliamit februaarip 14-ni 2012-imi ataatsimmiinnermi aalajangiiffiqineqassaaq.

Maleruagassatigut tunngavissaq

Tapiissuteqarneq kommunit inuussutissarsiutini il.il. aningaasaliinermikkut inuussutissarsiutinik ineriartortitseqataaannissaminut periarfissaat pillugit Inatsisartut inatsisissaat nr. 23, 18. december 2003-meersoq naapertorlugu pivoq.

Ukiut tamaasa kommunip inuutissarsiornermullu siunnersuisoqatigiit akornanni tapiissutit sutigut tapiissutaanersut illuatungeriillu suut pisussaaffigineeraat pillugit isumaqatigiissusiortoqartarpoq. Inuutissarsiornermut siunnersuisoqatigiit qaammatit pingasukkaarlugit kommunalbestyrelsimut suliatik pillugit nalunaarusiortarput.

Pissutsit atuuttut

2011-mi QIS-imik isumaqatigiissut eqqarsaatigalugu, 2012-imi taassuminnga allaassutaasussatut Qeqqata Kommunian QIS-illu isumaqatigiissutigivaat:

1. Siullertut sulisunut tunngasut ersarissarneqarneri, tassa 2012-imi atorfiit suut pineqarneri ilanngunneqarmata. Atorfiillu tulluuttut pineqarput:
 - Pisortaq
 - Maniitsumi Inuutissarsiutitigut pisortaq
 - Sisimiuni Inuutissarsiutitigut siunnersorti
 - Takornariaqarnikkut Ornitassami suleqataasoq (isumaqatigiissut naapertorlugu namminersorlutik oqartussanit akissarsiaqartinneqassaaq)

2. QIS nalinginnaasumik pisussaaffiisa saniatigut allannguutip tullerivaa, tulluuttut ilanngunneqarmata:
 - QIS Inuutissarsiutitigut ineriartortitsinikkut ataatsimiititaliami (IEA) politikikkut ataatsimiititaliap ataqatigiissarinerani peqataasassaaq allaffissornikkullu sammisalinni, soorlu Attaveqarnikkut suleqatigiinni, Ilinniatitaanikkut suleqatigiinni, Suliffissaqartitsiniarnikkut suleqatigiinni, Teknikkikkut suleqatigiinni il.il.
 - Qeqqata Kommunian allatut ittunik sammisassaqartitsitillugu QIS allatseqarfittut pisussaaffeqartinneqartassaaq.
 - QIS Inuutissarsiutitigut ineriartortitsinikkut ataatsimiititaliami suliarineqassalluni, tamannalu isumaqatigiissummut matumunnga ilassutitut suliarineqassalluni.
 - QIS-ip Bruxellesi Syddanmark-ip EU-mi allaffeqarfianik suleqatiginninneq Qeqqata Kommunian sinnerlugu isumagissavaa.
 - Offshore Center Danmark-imik suleqateqarneq Qeqqata Kommunian peqatigalugu QIS-ip isumagissavaa.



QIS-imik isumaqatigiissut qaammatinik aqqaneq-marlunnik ilimasaaruteqarnikkut atorunnaarsinneqarsinnaavoq. Isumaqatigiissummi kommunip inuutissarsiornermullu siunnersuisoqatigiit illuatungeriillutik pisussaaffii allassimapput. Taamatuttaaq isumaqatigiissutissatut siunnersuummi 2012-imut inuutissarsiuutitigut pilersaarut aallaavigineqarluni, taannalu QIS-ip suleqatit aalajangersimasut peqatigalugit ukiukkaartumik nutartertassallugu.

Isumaqatigiissummi tulliuuttut sammisassatut allassimapput:

Inuutissarsiuutitigut nalinginnaasumik ineriartortitsineq

- Qeqqata Kommuniani illoqarfinni marluusuni nunaqarfinnilu arfiniliusuni inuutissarsiuutitigut piumasagaatit aallaavigalugit nammineq ingerlatat aqutigalugit inuutissarsiuutitigut ineriartortitsinissap nukittorsarneqarnissaa.
- Nunap immikkoortortaani inuutissarsiuutitigut ineriartortitsinissami periarfissatigullu pisariaqartitat takussutissiorneqarnissaat.
- Pisortat namminersortullu akornanni ataatsimiitaliani ataatsimiinnernilu allani ataqatigiissaartumik suleqatigiinnermut peqataanissaq.
- Inuutissarsiuutitigut peqatigiiffiit najugaqarfinni suliaasa ataqatigiissaarneqarnerisigut nunap im-mikkoortortaani inuutissarsiuuteqarnerup ataqatigiissinneqarnissaa kiisalu ataatsimut sammisassa-qartitsinissat, pikkorissaanissat, isumasioqatigiissitsinissat malinnaatitsillunilu ataatsimiittarnissat isumagissallugit.
- Nunap immikkoortortaani inuutissarsiuutitigut ineriartortitsinissami pingaartullit pillugit inuiaqa-tigiinni suliniutissat pillugit Grønlands Turist aamma Erhvervsråd-mik suleqateqarneq.

Siunnersuineq

- Najugaqarfimmi, nunap immikkoortortaani, nunap iluani inuiaqatigiinnilu ineriartorfusinnaasutut ilisimasat aallaavigalugit periarfissanik nutaanik niuerfinnillu suliffeqarfinnut aallartitsinianul-lu siunnersuineq.
- Aallartitsinianik siunnersuineq, tapersorneqarnissamilu periarfissanik suleqatigisinnaasanillu tikkuussisinaanerup qulakkeerneqarnissaa.
- Inuiaqatigiinnut avammullu tunisassiassanik nutaanik suliniutinut tapertaasussamik nunap im-mikkoortortaani aallartitsiniat suliniutissanik ineriartortitsinerini ikiorserneqarnissaat.
- Grønlands Turist aamma Erhvervsråd-mik kiisalu Greenland Venture-mik pitsaasumik suleqateqarnerup attatiinnarneqarnissaa.

Takornarialerinermi suliniutissat

Tuniniaaneq

- Nunami inuiaqatigiinnullu nunap immikkoortortaata tuniniarneqarnissaa pillugu suliniutissanut Grønlands Turist aamma Erhvervsråd-imik, Greenland Venture-mik allanillu pingaaruteqartunik suleqateqarneq.
- Destination Arctic Circle Region angallavissaqqissutut nunarsuarmioqatigiit isiginnittaaseqaler-nissaannut nammineq suliniuteqarnerup nukittorsarneqarnissaa.
- Nunap immikkoortortaani takornarialerisut sammisassanik tuniniaanerini ilisimasanik, nunallu iluani inuiaqatigiinnilu suliniutit ataqatigiissaarneqarnissaannut takornarialerisut nunallu immikkoortortaani ataatsimut tuniniaanissamut pimoorullugu suleqataaneq.
- 2012-mi Adventure Travel World Summit (ATWS) Qeqqata Kommuniani susassaqtartut sinnerlugit peqataassalluni.



Attaveqaqatigiinneq

- Takornarialerinerup ineriartortinneqarnissaanut attaveqaqatigiinnikkut pisariaqartitat pillugit takornarialerisunik kiisalu illoqarfimmi, nanap immikkoortortaani, nunami inuiaqatigiinnilu takornarialerisunik ataavartumik oqaloqateqartarnek.
- Nunap immikkoortortaani nunalu tamakkerlugu attaveqaqatigiinnikkut ineriartortitassatut pisariaqartinneqartut pillugit pisortanik suleqateqarnek.
- Grønlands Turist aamma Erhvervsråd-*imik* nunallu immikkoortortaani takornarialerisut suleqatiginerisigut takornariaqarnerulersitsisinnaasutut suliniutit allallu nutaat ineriartortinneqarnissaannut suliniuteqarnek.

Siunnersuineq, paasissutissiineq ilinniartitaanerlu

- Grønlands Turist aamma Erhvervsråd-*imut* suleqatinullu allanut pitsaasumik suleqatigiinnissap qulakkeernekarnissaa.
- Nunap immikkoortortaani tamani takornarialerinermik aallartitsinianik siunnersuineq.
- Takornariaqarnek takornariaqarnerullu ineriartortinneqarnissaa pillugu innuttaasunut, inuutissarsiutilinnut kommunimullu ilisimasanik tunniussisarnek.
- Takornarialerinerup iluani ilinniarnissamut periarfissanik paasissutissiisarnissamut aqutissiuussineq.

Aningaasaqarinnikkut allaffissornikkullu kingunerisinnaasai

2012-*imut* 1.425.000,00 koruunit QIS-*imut* immikkoortitaapput, 2011-*mili* kiffartuussinissamik isumaqatigiissut naapertorlugu 1.414.550,00 koruunit konto 37-01-10-35-01-*ikkut* akilerneqarsimallutik. Aningaasat ukiup affakkaartumik tunniunneqartarput.

Qullersaqarfiup oqaaseqaataa

Immikkut oqaaseqaatitassaqaanngilaq.

Allaffeqarfiup naliliinera

Allaffeqarfik naliliivoq, isumaqatigiissutikkut nutartikkakkut suliat ingerlateriikkat nangingneqassasut.

Innersuussut

Aningaasaqarnermut ataatsimiititaliamut akuereqqullugu innersuussutigineqassaaq:

- Qeqqata Kommuniata Qeqqani Inuutissarsiornermut Siunnersuisoqatigiillu Kiffartuussinissamik isumaqatigiissutissatut siunnersuutaat, kiisalu
- Qeqqani Inuutissarsiornermut Siunnersuisoqatigiit marloriarlugit avillugit tunniutassanik tapiiffigineqassasut katillugit 1.414.550,- koruuninik, tunniutassat siulliit 707.275 koruunit Aningaasaqarnermut ataatsimiititaliap akuerippagu, sinnerilu juulip 1-*ani* 2012-*imi* tunniunneqassallutik.

Aalajangiineq

Innersuussutigineqartoq akuersissutigineqarpoq.

Ilanngussaq

1. 2012-*imut* kiffartuussinissamik isumaqatigiissutissatut siunnersuut.

Imm. 04 Inuutissarsiutitigut 2012-imut pilersaarut

Journalnr. 66.15

Tunuliaqutaq

Inuutissarsiordermut Siunnersuisoqatigiit juullip ukiortaallu akornanni 2011-mi siulersuisut ataatsimiinnerminni Inuutissarsiutitigut 2012-imut pilersaarusiaq akuersaarpaat, ilanngussaq 3-mi QIS-ip pisortap allagaa takuuk.

Maleruagassatigut tunngavissaq

Qeqqata Kommuniata Qeqqani Inuussutissarsiordermut Siunnersuisoqatigiillu Kiffartuussinissamik isumaqatigiissutaat (QIS) naapertorlugu, QIS-ip inuutissarsiutitigut takornariaqarnikkullu pilersaarusiaq suliassarivaat.

Pissutsit atuuttut

QIS-i nutaami pisortaqaalernikummat, tallimanut immikkoortitaarlugu inuutissarsiutitigut nutaamik pilersaarusiortoqarnikuvoq.

1. Kommuni inuutissarsiutinut inussiarnersoq:

Pisortat suliffeqarfii uummaarissut, kiisalu namminersortunut sullissilluartut unammillerluarsinnaanermut toqqammaviliisarput. Kommunimi namminersorlutik inuussutissarsiutilinnut toqqammaviliisariaqarpugut. Taamatut iliorsinnaavugut pitsaasumik pikkorissumillu inuutissarsiortunut sullissigutta. Taammattumik uani ukkitani sullissineq, inuutissarsiutinik ineriartortitsineq kiisalu inuutissarsiutinik aallarnisaaneq immikkut sammeneqarpud.

2. Qeqqata Kommuniata nukittuffii

Suliffeqarfiit inerilluarnikut, ingerlalluartullu alliartulertornerusarput, nutaaliorderluarnerullutillu. Qeqqata Kommunia inuussutissarsiutitigut nukittuffeqarpoq. Taamaattumik Kommunip Inuussutissarsiortullu makku ineriartorteqqikkusuppaat: aalisarnej/piniarnej, ilinniartoqarfiuneq, nunap timaa, misigisassasiorderfiusorlu.

3. Qeqqata Kommunia, kommuni tikikkuminarteq.

Suliffeqarfiit tamanut unammillerluarsinnaanerat allisarniarlugu kommunip tikikkuminartuunissaa immikkut iliuuseqarfigineqassaq. Kikkunnit tamanit, sulisuugunik, suleqataagunik, kilisaataagunik, imaluunniit kommunimi aningaasaleerusuttuugunik, kommunimut tikipallassinnaanerat annertusarnejqassaaq soorlu makkunatigut: Maniitsumik Sisiumiunilu umiarsualiviit inerisarnerisigut, massakut mittarfioreersut atorluarnerisigut, Kangerlussuup atorluarnejarsinnaanerata ineriartorteqqinnerisigut, kiisalu Kangerlussuarmut aqqusinnissamut pilersaarutit ingerlatiinnarnerisigut.

4. Qeqqata Kommunia, kommuni orniginarteq.

Kommuni pissanganarteq, orniginarteq aamma ingerlalluartoq suliffeqarfiit ineriartornerinut uuttuutaalluinnarpoq. Kommunitut suliffeqarfinnut ineriartortitsisunut, sulissusanut ilinniarluarsimasunut, ilinniartunut, kiisalu tikeraanut orniginarsaassaagut. Taamaattumik Qeqqata Kommunia kommunitut orniginartut ineriartoteqqissavarput. Ukkatarineqassallutillu takornariarnejarsinnaasut, niuerfigineqarsinnasut, allallu orniginarsinnaasutut pigisatta



5. Qeqqata Kommunია, kommuni ilinniartunut isumaginnittoq.

Kalaallit Nunatta namminiilivinnissaanut ilinniarluarsimaneq, ilisimasaqarneq piginnaasaqarnerlu toqqammaviulluinnarput. Namminiilivinniarnittalu ilinniartitsinnaanerput, ineriartortisisinnaanerput, kiisalu ilisimasani atuisinnaanerput unamminartunngortippaa, tassami nunarsuarmioqataaansinni pigaartitat ilagilluinnarmatigit, ilisimaqarneq, ilisimatusarneq, inerisaaneq, kiisalu eqqarsariallaqqissuseq. Uani immikkut iliuusissami ilinniartitaaneq, sulisut piginnarnissaat, kiisalu ilinniarluarsimasunik ussassaarineq ingerlatissavarput.

Aningaasaqarnikkut allaffissornikkullu kingunerisinnaasai

Inuutissarsiutitigit 2012-imut pilersaarussiaq atuutsinneqaleqqullugu, 2012-imut missingersuutini aningaasaliissutit assigiinngitsutigit inissitaapput, pingaartumik konto 37-ip ataani.

Qullersaqarfiup oqaaseqaataa

Immikkut oqaaseqaatitassaqaanngilaq.

Allaffeqarfiup naliliinera

Allaffeqarfik naliliivoq, inuutissarsiutitigit pilersaarussiaq iliuusissatullu pilersaarussiaq kommunip ineriartortitsinnissaminik pilersaarutaanut naapertuuttoq. Taamatuttaaq inuutissarsiutitigit pilersaarut paasiuminartumik suliaalluni, atuartussamut malinaaffigiuminartuliaalluni.

Innersuussut

Allaffeqarfiup aningaasaqarnermut ataatsimiititaliamut innersuussutigissavaa, tulluuttut akuersissutigineqassat:

- 2012-imiit 2016-imut inuutissarsiutitigit pilersaarussiaq – kommuni inuutissarsiutitigit tamatigoortoq, kiisalu
- 2012-imut iliuusissatut pilersaarussiaq

Aalajangiineq

Innersuussutigineqartoq akuersissutigineqarpoq.

2012-imut pilersaarussiaami nunanut allanut angalanernut mittarfinnut tunngasortaa iluarsineqassaaq imaalillugu:

Massakkut mittarfiit pioreersut ornitassanut allanut atorlugit avataaniit soqutiginninnerulersitsiniarsinnaavugut

Ilanngussat

1. 2012-imiit 2016-imut kommuni inuutissarsiutitigit tamatigoortoq
2. 2012-imut Iliuusissatut pilersaarussiaq
3. QIS-ip pisortaata malinnaatitatut marsip 5-imi 2012-imi allagaa



Imm. 05 Oqaluuserisassatut siunnersuut – Inuutissarsiornermut Siunnersuisoqatigiit allatseqarfiata kommunip allaffissuanut nuunnissaa

Journalnr. 72.02.00

Tunuliaqutaq

Kommunalbestyrelsimut ilssortap Karl Lyberthip januaarip 9-ani 2012-imi kommunalbestyrelsimi oqaluuserisassatut allakkatigut nassiuppaa paasisimallugu

Inuutissarsiornermut Siunnersuisoqatigiit Maniitsumi allatseqarfiat allaffissuarmut nuutsinniarneqartoq.

Sulisut sullitalu massakut aalisakkerivikumi inissisimaffia naammagisimaaraluarpaat.

Isumaqarporlu, allatseqarfiup nuunneqarnissaa pitsaavalaanngitsoq, tassa kommunip ammasarfii inuutissarsiornermut siunnersortip ersarissuunissaanut ammasarfiinullu malissallugit tulluanngimmata, aammalu sulisoq taama suliniuteqartigisoq allaffimmut pitsaannginnerusumut nuutsinissaa pissusissamisoorsorinnginnamiuk.

Karl Lyberthip siunnersuutigivaa, inuutissarsiornermut siunnersuisoqatigiit allaffeqarfiat nuunagu, aalisarnermut piniarnermullu allaffeqarfik inuutissarsiornermut siunnersuisoqatigiit allaffeqarfiannut nuuinartariaqaraluaq. Isumaqaramilu tamanna sulisunut sullitanullu iluarneruinnassasoq.

Neriutigivaalu, siunnersuut kommunalbestyrelsimi tapersorsorluarneqarumaartoq.

Maleruagassatigut tunngavissaq

Aqutsinermi inatsip § 25, imm. 1-ani nr. 2 naapertorlugu, aningaasaqarnermut ataatsimiititaliap susassaqarfigivai “Akissarsianut sulisoqarnermullu tunngasuni...,” suliassat tamaasa.

Pissutsit atuuttut

Karl Lyberth-ip oqaluuserisassanngortitani allanngortippaa aningaasaqarnermut ataatsimiititaliami oqaluuserisassanngorlugu.

Siusinnerusukkut Karl Lyberthip aamma aalisarnermut piniarnermullu siunnersortit inissisimanerat apeqqusersimavaa. Paasissutissatut tamanna ilanngussaq 2-tut ilanngunneqarpoq.

Kommunen Qeqqani Inuutissarsiornermut Siunnersuisoqatigiinnut (QIS) allaffissuarmi quleriit pingajuat atorluarneqanngimmat nuuffissatut neqeroorutigini kuuvaa, tassa Namminersorlutik Oqartussat akiliisitsiniartarfiat allaffeqarfinniit nuummat.

Tamatumani QIS-ip allaffeqarfimmik atuinerminut sipaaruteqarsinnaanera eqqarsaataalluni, tamatumani aamma kommunimi pisortaanerup sulisuinik, alumiiniumik pilersaarusiama ataqatigiissaarisumik, aalisarnermut piniarnermullu siunnersortinik, pilersaarusiortartunik kiisalu Greenland Development-ip sulisuinik isumasioqateqarsinnaaneq periarfissaalissammat, tamakkumi Maniitsumi ineriartortitsinissamik tamarmik suliqaartuummata, allaffissuarmilu quleriit siamaanni allaffeqarfeqarlutik. Tamaaliornikkut nukiit pitsaasumik atorluarneqarnerunissaat anguneqarsinnaavoq, taamalu innuttaasut inuutissarsiutillillu pitsaanerpaamik sullinneqarsinnaallutik, sulisut assigiinngitsunik suliallit ajornartorsiutaasinnaasut ineriartortitsinermulluunniit tunngasut pillugit oqaloqatiginerisigut.



QIS-ip siulersuisuisa oktobarimi 2011-mi nalinginnaasumik ataatsimeersuarnerminni aalajangiipput, Maniitsumi inuutissarsiornermut pisortaq kommunip allaffissuanut nuutsinneqassasoq.

Tamanna tunngavigalugu kommunip isumagisimavaa, kiffartuussiveqarfiup tungaanut igalaarsuarnik 34.400 koruunik nalilinnik assiaqutsiineq, taamalu aalisartut inuutissarsiutillillu tamarmik nal. 8:00-imiit 16:00-imut kommunillu ammasarfiisa avataatigut, tamatigut inuutissarsiornermut siunnersortimut taamatullu aalisarnermut piniarnermullu siunnersortimut ornigunnissaminnut periarfissaqarlersillugit.

Ullumikkut allaffeqarfiit qalipanneqareerput, massakkullu inuutissarsiornermut pisortap nuunnissaa utaqqisaaginnarluni. Aalisarnermut piniarnermullu siunnersortimut tunuliaqutit attavigereerpata aamma taanna quleriit aappaanniit pingajuannut nuusaaq.

QIS-ip nalunaarutigivaa, 11.000 koruunik allaffigisaminnut 600 koruunillu innaallagissamut qaammatinut pingasunut akiliisarlutik, tassalu qaammatinut pingasunut 12.800 koruunit. Ukiumut 51.200 koruunit.

Allaffeqarfik naliliivoq

Allaffeqarfik naliliivoq, inuutissarsiutilinnut, aalisartunut piniartunullu pitsaanerpaamik siunnersuinerit ingerlassappata, tamakkuninnga suliallit tamarmik ataatsimoorlutik inissisimasariaqartut. Maniitsumi allaffissormi periarfissatsialak tamanna piummat, immaqalu Kalaallit Nunaanni allani piunngitsoq, allaffeqarfik isumaqarpoq, inuutissarsiutilinnut pitsaanerpaaq anguniarlugu, nukiillu piusut atorluarniarlugit, inissatigut inuttaqarnikkullu, siunnersortip tamarmik innuttaasunillu kiffartuussisut illumi ataatsimiittariaqartut.

Aammattaaq allaffeqarfik isumaqarpoq, QIS-ip siulersuisuisa inuutissarsiornermut pisortap kommunip allaffissuanut inissinnissaanik aalajangiinerat, kommunimit ataqineqartariaqartoq.

Innersuusut

Allaffeqarfiup Aningaasaqarnermut ataatsimiititaliamut innersuusutigissavaa, nalunaarusiaq tusaatissatut tiguneqassasoq.

Aalajangiineq

Tusaatissatut tiguneqarpoq.

Ilanngussat

1. Karl Lyberthip januaarip 9-ani 2012-imi allagaa.
2. Aningaasaqarnermut ataatsimiititaliap 01.2011-mi oqluuserisassaa Imm. 07 – Maniitsumi Aalisarnermut piniarnermullu siunnersortip inissiffissaa.



Imm. 06 Oqaatsinut politikki pillugu inatsisip allangortinnissaanut siunnersuutip tusarniutaanera

Journalnr. 50.00

Tunuliaqutaq

Oqaatsinut politikkip allangortinneqarniarneranut atatillugu Qeqqata Kommuniata tusarniutaasumut atortussat tiguva. Allanguutissatut siunnersuummi pingaarnertut tassaallutik pilerisaarinerni, ussasaaruteqarnerni allagartalersuinernilu innuttaasunut allakkatigut saaffiginninnerni, taamatullu isumaqatigiissuteqarnikkut akisussaaffiliisarnerini oqariartaatsit atorineqartartut, tassa tamakkunuuna kalaallisut oqaatsit atorineqarnissaat inatsisikkut pisussaaffiliisussanngormata. Tusarniaanermut akisuteqarnissaq marsip 13-iat 2012-imi killiliunneqarpoq.

Regelgrundlag

Oqaatsinut politikki pillugu Inatsisartut inatsisaat nr. 7 af 19. maj 2010-meersoq siuliani tunngasutigut allangortinniarneqarpoq.

Qeqqata Kommunia kommunalbestyrelsimit 28/4-2010-mi akuerineqartumik oqaatsitigut politikkeqarpoq. Oqaatsitigut politikki sulisunut politikkimut ilanngussaavoq.

Pissutsit atuuttut

Paasissutissiinermi, ussasaarinermi atortussat, quppersakkamullu/nittartakkamullu ilanngussukat il.il. nutserneqartarnerini nukippasuit atorineqartarput.

Qeqqata Kommuniata allaffeqarfiani atortussat suulluunniit kommunimiit nassiunneqartartut oqaatsit arlariit atorlugit suliarineqartarput. Ataasiakkaatigut, soorlu nukingernartoqartillugu, nutserisoqarfimmiillu ajoraluartumik angumersitinneqarsinnaanngikkaangata oqaatsit arlaannaat atorineqarluni nassiussisoqartarluni. Taamaattoqartillugu ilanngullugu paasissutissiissutaasarpog, qallunaatut kalaallisulluunniit nutsernera malinnaatinneqassasoq.

Nutserisoqarfik

Qeqqata Kommuniani nutserisoqarfimmi sulisut tallimaapput, annerusumillu allakkatigut nutserineq ingerlanneqartarluni. Tamatuma sanitigut ataatsimiititaliani, politikikkut ataatsimiititsinerni innuttaasunillu ataatsimiititsinerni toqqaannartumik oqalutseqarneq ingerlanneqartarluni. Tuluttut oqaatsit atorlugit aaqjissuussisoqassatillugu, illup avataaneersunik nutserisoqartarpoq. Taamatuttaaq aamma atortussat paasissutissallu tuluttuujutillugit.

Ataatsimiititalianukartut ilanngussartai ilanngullugit tamatigut nutserneqartarput, taamalu oqaatsit arlariit atorlugit suliaasarlutik

Tusagassiutitigut nalunaarutit oqaatsit arlariit atorlugit nassiunneqartarput

Kommunimiit nutaarsiassat nalinginnaasut oqaatsit arlariit atorlugit suliaasarput

Tusarnititut akissutit oqaatsit arlariit atorlugit suliaasarput

Atorfinnik allagarsiussinerit oqaatsit arlariit atorlugit suliaasarput

Oqarasuaatikkut saaffiginninnerit sapinngisamik saaffiginnittup oqaatsit atugai aallaavigalugit akiniarneqartarput.



Tamatuma sanitigut ilaqutariinnermut immikkoortorta qiginnaangorsaqqittumik sulisoqarpoq, taannalu saaffiginnittoqartillugu oqalutsit atorneqartarluni. Ilaatigut tassanngaannartumik toqqaannartumik oqalutseqarnissamik pisariaqartitsisoqarsinaasarpog. Taamaattumik tamatigoruinnaq nutserisoqarfimmiit sullissisut saaffiginnittullu piffissaqarfigiuminaatsinneqartarlutik.

Paasissutissiisartoq

Nalinginnaasumik innuttaasunik paasissutissiisarneq, Qeqqata Kommuniiani paasissutissiisartumit ingerlanneqartarpoq. Paasissutissiisartup ilaatigut Qeqqata Kommuniata quppersagaani/nittartagaani paasissutissiisutit, Qeqqata Kommuniata allagarsiutai, ussasaarutit nutaarsiassallu suliarisarpai. Innuttaasunut tusagassiutigullu paasissutissiinnermut tunngasut tamaasa. Paasissutissiisartup suliarisai tamarmik oqaatsit arlariit atorlugit suliarineqartarput, tassa nunami maani innuttaasunut sammititaappata.

Aningaasaqarnikkut allaffissornikkullu kingunerisinnaasai

Qeqqata Kommuniata 2011-mi 2.217.411,73 koruunit nutserisunut aalajangersimasumik atorfilinnut akissarsiatigut aningaasartuutigivai.

Ukiorlu taanna tuluttut oqaatsit atornerini annikinnerusumik aningaasartuuteqarfiulluni, tassa kommunimut tunngasutigut paasissutissiisutit allakkatigut nutsernerisigut.

Aammattaq allaffeqarfimmi sulisut 55-it, illoqarfinni marluusuni agguataartut, 2011-mi oqalutsit 253.786,01 koruuninik tapisiaqartitaasimapput. Oqalutsit tapisiaq oqaatsinik arlariinnik atuisinnaasunut tapisiaasarpog, taakku ulluinnarni annertunerusumik annikinnerusumilluunniit nutserisusaasarpata, taamaalilluni nutserisoqarfik oqilisaanniarlugu. Taakkulu ulluinnarni annikinnerusutigut nutsigassat suliarisarpaat, nutserisoqarfik annikitsualunnik suliaqannginnissaani oqalisaanniarlugu.

Tamakku saniatigut Qeqqata Kommuniata naatsorsuutigivaa, immikkoortortani mailerutinik aammalu innuttaasut saaffiginninnerini sulisut akornanni nutserineq ingerlanneqartarpoq. Tamatumani piffissaq atortagaq aamma aningaasanik naleqarpoq. Ulluinnarni suleqatigiit akornini oqaluttaanerit ingerlanneqartarput, qallunaatumiit kalaallisuumut illuatungaannullu. Tamakkunani piffissaq nukiillu qanoq annertutigisumik atugaaneri oqaatigiuminaalluni.

Qeqqata Kommunia atortussanik tuluttuunik pitsaanerussaagaluanik pigisaqarpoq, soorlu Innuttaasut Saaffiginnittarfianni immersugassat, allallu. Tamakku salliutinneqassappata nutserinermi aningaasatuutit qaffariaateqassapput.

2011-mi Qeqqata Kommuniiani nutserinermut aningasartuutit:

2011-mi Nutserisoqarfik (sulisut tallimat)	kroner 2.217.411,73
2011-mi Oqaluttaanermi tapisiat (sulisut 55-it)	kroner 253.786,01

Qullersaqarfiup oqaaseqaataa

Aallaffeqarfiup naliliinera

Kommuni oqaatsitigut soqutiginnilluni suliniuteqarlualereerpoq, allaffeqarfimmilu massakkumut nutserisitsinerit annertungaatsialerlutik. Naliliisoqarporlu oqaatsit pillugit inatsiseqarnikkut ulluinnarni sulineq toqqammaviligaanerulissasoq, kommunimut malitsinniarnissaa ajornakusuulersinnaalluni, ajornartorsiutaasinnaalluni, aamma aningaasaqarnikkut.



Allaffeqarfik naliliivoq, inatsisissatut siunnersuut Qeqqata Kommunianut tulluittutut kinguneqassasoq, inatsisip timalersorniarnissaa ajornakusoorsinnaasoq, tassa ulluinnarni allaffissornikkut oqaatsitigut allanngoraataasinnaasut eqqarsaatigalugit.

Illup avataaniittuni suliffeqarfinni, soorlu atuarfinni meeqqerivinnilu, angajoqqaanik naapitsiffiusartuni, atortussat tamarmik kalaallisuinnaq allakatigut saaffiginninnermi ingerlanneqartassappata kingunerisinnaasai massakkut ilisimaneqanngillat. Allaffeqarfik naliliivoq, tamatumuuna nutserisoqarfik suli suliassaqarnerulissasoq, immaqalu suliariaatsinik allannguisoqartariaqarlunilu sulisut amerlisariaqassallutik.

Arlariinnik oqaasilinnik sulisoqarniarneq ajornakusoortuuvoq, tassa pisortat allaffissornerat, atuarfeqarfiit, meeqqeriviit allallu eqqarsaatigalugit. Allaffeqarfiup naatsorsuutigivaa, tamanna siunissami ukiorpaalussuarni atuutussaassasoq.

Nutsikkat pitsaasutsikkut nikerarsinnaapput, oqalutsitut nutserisutullu oqaatsitigut ilinniartitaanikkut atugassarititaasut patsisaallutik. Ussasaarutit nittarsaassinerlu eqqarsaatigalugit, oqaaseqassuseq pingaaruteqarlunnuvoq. Tamannalu aamma tuluttuunngortitsinermi atuuppoq.

Tuluttut oqaatsit unamminartuupput. Aammami Qeqqata Kommunianut tuluttut saaffiginninnerit annertusiartuinnarmata, siunissamilu annertusiartuinnarnissaat naatsorsuutigineqarluni. Tamatumani Qeqqata Kommuniata naatsorsuutigivaa, siunissami tuluttut nutserineq atorfissaqartinneruleriartussasoq, tassa quppersakkami/nittartakkami, atortussani naqitani aammalu toqqaannartumik oqaluttanermi.

Allaffeqarfiup siunnersuutigissavaa, akissuteqarnermi ilanngullugu allanneqassasoq, inatsisip atuutisilernissaanut ikaarsaarianissami piffissaq sivitsortariaqartoq, tassa inatsit aggustip 1-ani 2012-imi atuutilersussatut siunnersuutaamat, taamaaliornikkut innuttaasunut allakkat tamat kalaallisut suliarisarnissaanut naammassinninnissamat piumasarisat aaqqinneqareerniassammata.

Oqaatsit pillugit inatsimmi allannguutissat tusaatissatut tiguneqartut, oqaatsilli pillugit inatsimmi allannguutigitinniakkat timalerneqarnissaat innersuussutigineqanngitsoq.

- Ilaatigut kommuninut iliuuserisinnaasat ersarissumik allaaserineqanngimmata.
- Ilaatigut kommunit inatsimmik malinninersut/-nginnersut kikkunnit qanorlu nakkutigineqassanersut ersarinngimmata.
- Ilaatigut oqaatsit pillugit inatsisip sukateriffiginissaata kingunerissammagu, nutserinermut aningaasartuuteqanerulernissaq.
- Ilaatigut oqalutsitut nutserisutullu ilinniartitaaneq oqaatsitigut pitsaavissumik aaqqiivigineqanngimmat, tassa naatsumik eqquisumillu ussasaarusiornissami.

Innersuussut

Ataatsimiititaliamut innersuussutigineqarpoq, tullinnguuttut arlaat toqqarneqassasoq

- Inatsisissatut siunnersuutip allanngortinneqarnera akuerineqassasoq
- Inatsisissatut siunnersuutip allanngortinneqarnera akuerineqassanngitsoq

Aalajangiineq

Inatsisissatut siunnersuutip allanngortinneqarnera akuersissutigineqarpoq.

Ilanngussaq

1. Tusarniaanermut tunngasut



Imm. 07 Kommunimi pilersaarummut tapiliussassap nr. 43 Umiarsualivimmut aqutissat inaarutaasumik akuersissutiginnissaa

Journalnr. 16.03.00

Tunuliaqutaq

Kommunimi pilersaarummut tapiliussassaq Aalisakkeriviup talittarfianniit Umiarsualivimmut, taamatullu Kangerluarsunnguami ilitsiveqarfissamut attaveqarfissap pitsaasumik periarfissaqarnissaa qulakkeerniarlugu suliaavoq.

Maleruagassatigut tunngavissaq

Pilersaaruserneq aamma nunaminertat atorneqartarnerat pillugit Inatsisartut inatsisissat nr. 17, 17. november 2010-imeersoq.

Pissutsit atuuttut

Kommunimi pilersaarummut tapiliussassaq januaarip 9-aniit februaarip 21-anut tamanut tusarniutaanikuuvoq, tamatumani Rasmus Enoksen-imiit pilersaarusernermi teknikkimut tunngasortaasigut oqaaseqaateqartoqarluni, taamaalilluni titartagartaasa oqaasertaanik iluarsinissaq kisimi pisariaqarluni.

Aningaasaqarnikkut allaffissornikkullu kingunerisinnaasai

Toqqaannartumik sunniutissaqanngilaq. Pilersaaruserneq siunnersuutikkut umiarsualivimmi periarfissat ammaanpeqassapput, taamaalilluni aqqusinissaq sulinissami atugassaq nutaaq immerneqarsinnaalissalluni. Aqqusinissap inaarutaasumik suliarinissaa tassunga tapiliussat ingerlanneqassaaq, umiarsualivimmik pilersaarusernerup avataatigut aningaasaliiffiusussamik.

Qullersaqarfiup oqaaseqaataa

Immikkut oqaaseqaatitassaqanngilaq.

Allaffeqarfiup naliliinera

Aalisakkeriviup talittarfiata/ nutaamik umiarsulivissamik allilerinissaq ingerlassinnaajumallugu, kommunimi pilersaaruserneq tapiliussap inaarutaasumik akuersissutiginnissaa pisariaqarpoq.

Innersuussut

Allaffeqarfiup Aningaasaqarnermut ataatsimiititaliamut kommunalbestyrelsilu sinnerlugu borgmesterimut, kommunimi pilersaaruserneq tapiliussassaq nr. 43 umiarsualivimmut aqutissat allannguutit ilanngullugit inaarutaasumik akuereqqullugu innersuussutiginnissavaa.

Aalajangiineq

Innersuussutigineqartoq akuersissutigineqarpoq.

Ilanngussaq

1. Rasmus Enoksen-ip oqaaseqaatai.



Imm. 08 Kommunimi pilersaarummut tapiliussassap nr. 44 Minngortuunnguup Atuarfia inaarutaasumik akuersissutiginnissaa

Journalnr. 16.03.00

Tunuliaqutaq

Minngortuunnguup atuarfiata iluarsartuussinnanissaa nutaaliarinissaalu periarfissinniarlugit Qeqqata Kommuniata Sisimiut Kommuneani 1992-imiit 2005-imut pilersaarutaanut tapiliussassaq nr. 44 suliarivaa.

Maleruagassatigut tunngavissaq

Pilersaaruserneq aamma nunaminertat atorpeqartarnerat pillugit Inatsisartut inatsisissaat nr. 17, 17. november 2010-imeersoq.

Pissutsit atuuttut

Kommunimi pilersaaruserneq tapiliussassaq nr. 44 09.01.2012-imiit 21.02.2012-imut tamanut tusarniutaanikuuvoq.

Tusarniutaanerata nalaani Minngortuunnguup Atuarfianiit oqaaseqaatiginiakkat tiguneqarsimapput, pilersaaruserneq annikitsutigut iluarsisooqarnissaanik kissaateqarfiusut:

- Sanaartukkap silatimigut isikkua, imm. 4.
Innersuussutigineqarluni Silataata saqqai tamakkiisumik svensket aappaluttuannik qalipanneqassapput, qalliutaalu qisuusariaqanngitsut.
- Aqquserneq, aqquserneqqat biilnullu aninngasarfiit, imm. 4:
Imm. 4 peerlugu allannortinniarneqarpoq. Tamanna inatsisitigut allatigut iluarsisaavoq.
- Nunaminertat sanaartorfiunngitsut, imm. 1.
Pissaamiit pisinnavumut allannortikkusunneqarpoq. Allaffeqarfik isumaqarpoq, allannuinnissaq pisariaqanngitsooq, kommunimimi pilersaaruserneq iliuuseqarnissakkut pisussaaffiliisussanngimmat, nunaminertalli sumut atugassaaneri kisimik pineqarlutik, aammalu atuarfimmuut atatillugu pinnguartarfissamut inniminniinnissaq pissusissamisoortutut naliliiffineqarluni. Oqaasertaasa allannortinneqannginnissaat siunnersuutigineqarpoq.
- Teknikkikkut atorulersuutit, imm. 1. Kiassaateqarfimmuut attaviliinissamik oqaasertaqarnissaa kissaatiginartinneqarpoq, ataatsimoorussamik kiassaateqarfik pinnagu. Oqaasertai iluarsineqassapput.
- Avatangiisinut tunngasut, imm. 1. Oqaasertaani avatangiisinik *annertuumik* mingutsitsinnginnissamik oqaasertaaliisoqaqusivoq. Allaffeqarfik isumaqarpoq, siunertami avatangiisit qulakkeerneqarnissaat minnerunngitsumik atuarfimmuut oqaasertat ersarinngitsumik atorpeqarnerisa kingunerissagaa paatsuuisinnaaneq. Oqaasertaasa allannortinneqannginnissaat innersuussutigineqassaaq.

Tamakku saniatigut oqaaseqaatimerneq nassiunneqarput, pilersaaruserneq attuumassuteqanngitsut.

Aningaasaqarnikkut allaffissornikkullu kingunerisinnaasai

Immikkut oqaaseqaatitassaqaanngilaq.

Qullersaqarfiup oqaaseqaataa

Immikkut oqaaseqaatitassaqaanngilaq.



Allaffeqarfiup naliliinera

Pilersaarusiamik siunnersuutikkut nutaamik quleriinnut pingasunut naqqup ilulerlugu atuarfiup iluarsartuunissaa periarfissaqalissaaq, pilersaarusiallu inaarutaasumik akuersissutaaneratigut atuarfiup iluarsartuunissaa ammaanqassalluni.

Innersuussut

Allaffeqarfiup Aningaasaqarnermut ataatsimiititaliamut kommunalbestyrelsilu sinnerlugu borgmesterimut, kommunimi pilersaarusiassamut tapiliussassaq nr. 44 Minngortuunnguup Atuarfia, allanngutissat ilanngullugit inaarutaasumik akuereqqullugu innersuussutigissavaa.

Aalajangiineq

Innersuussutigineqartoq akuersissutigineqarpoq.

Ilanngussaq

1. Minngortuunnguup Atuarfianiit oqaaseqaatit.

Imm. 09 Sisimiuni Utoqqaat Angerlarsimaffiata allilernerqarnissaanut Kommuniip pilersaarusionerqarneranut tapiliussatut nr. 47-tut siunnersuut

Journalnr. 16.03.00

Tunuliaqutaq

Kommuniip pilersaarusionerqarneranut tapiliussaq nr. 47 utoqqaat angerlarsimaffiata allilernerqarnissaanut inissamik pissarsiniarluni suliarineqarpoq. Puigortunngortunut inissat pineqarput, kisianni pilersaarummut siunnersuut nakkutigisariaqartunut inissianut allanut, utoqqarnut inissianut immikkoortumilu pisiniarfiup pioreersup allilersinnaanissaanut aamma periarfissiivoq.

Maleruagassatigut tunngavissaq

Pilersaarusionerq aamma nunaminertat atornerqarnerat pillugu Inatsisartut inatsisaat nr. 17, 17. november 2010-meersoq.

Pissutsit atuuttut

Utoqqaat angerlarsimaffiat eqqarsaatigalugu allilernerqarsinnaanera periarfissiuunneqarpoq, annerusumik illunut pioreersunut quleriiaat amerlaqataattut ataatsimoortunngorlugit illuliatut. Taamaattorli sanaartorfissiami 1.1-mi kimmut sammiviani quleriinnik tallimanik sanaartorsinnaanermut periarfissaq ilanngunneqarpoq, tamaalilluni utoqqaat illuata aqquserngatut qatsissusilimmik aqqusinikkut atassusiisinnaaneq periarfissaqarluni.

Taassuma saniatigut sanaartorfissiami 3.1-imi utoqqarnut inissianut marlunnik quleriilinnut pilersitsinnaanermut periarfissamik ilanngussisoqarpoq aammalu pisiniarfiup pioreersup allilernerqarsinnaanermut periarfissamik ilanngussisoqarluni.

Utoqqaat illuata kujataatungaani utoqqarnut inissianut pingaarnertut aqqusinermit pisinnaat aqqaataannik/ikuallattoortoqartillugu aqqusinermit pilersitsinissamut periarfissiisoqarpoq.

Aningaasaqarnikkut allaffissornikkullu kingunerisinnaasai

Kommuniip pilersaarusionerqarneranut tapiliussaq immilik aningaasaqarnikkut kinguneqanngilaq. Kisianni sanaartornissamut suliasat aammalu paarsaqarnissamut annertusiinermik malitseqartitsinissaq soorunami sanaartornissamut aningaasaliissutinik ingerlatsinermilu aningaasartuuteqarnerulernermit malitseqassapput.

Qullersaqarfiup oqaaseqaataa

Annertunerumik oqaaseqaatissaqanngilaq.

Allaffeqarfiup naliliinera

Kommuniip pilersaarusionerqarnerani tapiliussaq Qeqqata Kommuniata utoqqaat illoqarnerisigut utoqqaanerusunullu ukiuni aggersuni amerligaluttuinnartussanut ineqarnikkut neqerooruteqarnissamut naammattunik qulakkeerinniniarluni tamaviaaruteqarneratut isigineqassaaq.

Ingerlatsinikkut ataqaatigiissumik qulakkeerisinnaasoqartillugu utoqqaat illuannut pioreersumut atatillugu annertusaanissamik periarfissat atorluarneqarnissaat tulluartutut nalilernerqarpoq.



Innersuussut

Allaffeqarfiup innersuussutigissavaa, kommunip pilersaarusioneqarneranut tapiliussatut siunnersuut sapaatit akunnerini arfinilinni tamanut saqqummiunneqarnissaa aningaasaqarnermut ataatsimiititalia- mit aammalu kommunalbestyrelsi sinnerlugu borgmesterimit akuersissutigineqassasoq.

Aalajangiineq

Innersuussutigineqartoq akuersissutigineqarpoq.

Ilanngussaq

1. Sisimiuni utoqqaat angerlarsimaffiata allilerneqarsinnaaneranut kommunip pilersaarusioneqarnera- nut tapiliussatut nr. 47-tut siunnersuut



Imm. 10 Matoqqsunut nuunneqarpoq.



Imm. 11 Atorfeqartitanut tunngasutigut paasissutissiineq - 2. marts 2012-imeersoq

Journalnr. 03.00

Nalunaarusiornermi nalunaaquttap akunnermusiallit ilanngunneqanngillat

Maniitsoq:

1. Atorfinitsitat – soqanngilaq

2. Soraartut

Suliffik	Ateq	Atorfik	Ulloq suliunnaarfik
Atuarfik Kilaaseeraq	Âpalânguak Mathiesen	Lærer	23. januar 2012

3. Sulinngiffeqartut – soqanngilaq

4. Suliffeqarfimmi nuuttut

Suliffik	Ateq	Atorfik	Piffissaq
Angerlarsimaffik Neriusaamiit Ilaqutariinnermut immikkoortortamut	Ungaaja Poulsen- Haggæussen	Sagsbehandler	1. marts 2012

Sisimiut:

1. Atorfinitsitat

Suliffik	Ateq	Atorfik	Ulloq atorfiniffik
Medborgerhuset 'Illu'	Varla Louise Lennert	Ledervikar	27. februar 2012

2. Soraartut

Suliffik	Ateq	Atorfik	Ulloq suliunnaarfik
Innuttaasut illuat 'Illu'	Bendt Brønlund	Leder	29. februar 2012

3. Sulinngiffeqartut – soqanngilaq

4. Suliffeqarfimmi nuuttut - soqanngilaq

Innersuussut

Suliaq aningaasaqarnermut ataatsimiititaliamut paasissutissiissutitut saqqummiunneqarpoq.

Aalajangiineq

Passissutissatut tiguneqarpoq.

Ilanngussaq

Ilanngussaqanngilaq



Imm. 12 Kalaallit Nunaanni inuussutissarsiornermut suliassat angisoorsuit pivirusungortinneqarnissaannut atugassarititaasussanut killissaliussat pillugit nassuiaat

Journalnr.

Tunuliaqutaq

Namminersorlutik Oqartussat 'Kalaallit Nunaanni inuutissarsiornermut suliassat angisoorsuit pivirusungortinneqarnissaannut atugassarititaasumut killiliussat pillugit nassuiaat' tusarniutissannorlugu nassiuppaat.

Maleruagassatigut tunngavissat

Sulissat angisoorsuit pivirusungortinniarneqarnerisa Teknikkimut Avatangiisinullu Ataatsimiititaliaq aamma Aatsitassanut Attaveqaatigiinnermullu ataatsimititaliaq sunnertarpaat.

Pissutsit atuuttut

Nassuiaat suleqatigiisitami Aatsitassanut Ikummatissanullu Pisortaqaqarfimmit, Inuussutissarsiornermut Naalakkersuisoqarfimmit, Aningaasaqarnermut Naalakkersuisoqarfimmit, Naalakkersuisut Siulittasuata Naalakkersuisoqarfianit aamma Greenland Development-imit inuttaqartumit suliarineqarnikuvoq. Inuussutissarsiornermut suliassat angisoorsuit pivirusungortinneqanissannut atugassarititaasussamut killiliussat Nunatta unammillersinaanerusunut periarfissaanik misissuinissaq nalunaarusiamik siunertaavoq. Inuutissarsiornermut suliassat angisoorsuit pillugit Inatsisartut inatsisissaannut, 2012-imi ukiakkut ataatsimiinnermi saqqummiunneqartussatut naatsorsuutigineqartumut, suliatut piareersaatip ilaatut nassuiaat ilaavoq.

Nassuiaat inuutissarsiornermut suliassanik angisoorsuarnik marluusunit, tassalu qninnerusut, Isukasiani savimminissamik misissuineq Maniitsumilu Aluminiumik suliniummik aallaaveqarpoq.

Nassuiaat kapitalinut arfineq-marlunnut agguataagaavoq, kapitali siulleq aallaqqaasiutaalluni.

Kapitali 2 tassaavoq, suliassanik angisoorsuarnik marluusunik tigussaasunik Savimminissamik misissuineramik Aluminiulu pillugu suliniummik nassuiaat. Suliniutit sanaartornerup ingerlatsinerullu ingerlanneqarnerani sulisussat eqqarsaatigalugit annertussusaat assigiingajapput, kisianni nassuiaammi savimminissamik misissuineq marlunnik qupperneqartinneqarpoq, illuatungaatigut aluminiuumik suliniummik nassuiaat tunngavilersugaanerulluni 25-nik qupperneqarluni. Ilaatigut quppernemi 30-miit 32-mut suliniummut atatillugu pissutsinik pisassarisanik paasisassanik takussutissaqarpoq, taakkununga ilanngullugit attaveqaatigiinnermut aningaasaliissutissat, piginnittuunermit ilusissaq, akiliuteqarnissamut atugassarititaasut, avataanit sulisorisassat, avatangiisit pillugit inatsit, Royal Arctic Line-p akuersissutaa, selskabet akileraarutissaat, CO2-mut akitsuutit il.il.

Aluminiumik suliniuteqarnermi aatsitassanillu suliniutini assigiinngitsuni pingaaruteqarluinnartut marluk ajoraluartumik eqqaaneqanngilluinnarput. Ilaatigut aluminiumik suliniutip illoqarfimmut qanittuunera, taamaalillutik aluminiumik aatsiterivimmi sulisuusut piffissami sivirusumi ilaqquttatik qimannikkaluarlugit nalinginnaasumik inuusinnaallutik, tamanna aatsitassarsiorfinni nalinginnaasaraluartoq. Ilaatigullu aluminiumik suliniutip Nunatta aatsitassanik pissarititaanik nungusaanginnissaa. Pissarititaasoq ataaseq atorluarneqartussa q tassavoq Erngup nukinganik nukissiuuteqarfik. Taamaalilluni aluminiumik suliniut aatsitassanik- uuliamillu/gassimilu suliniutinut allanut sanilliullugu piffissami sivirusunerusumi piusinnaaneruvoq.



Kapitali 3-mi kalaallinik sulisoqarsinnaaneq inuutissarsiuuteqartoqarsinnaaneraniillu akulerutsitsinissamik periarfissat qiviarneqarput. Suliffeqarfiit kalaallinit pigineqartut suliassat suut neqeroorfigisinnaasaannut takussutissamik peqarpoq. Kisianni ajornartorsiutaasartuq, tassalu kalaallit suliffeqarfii amerlanerit annikitsuummata taamaalillunilu akuersissuteqarnissaq pillugu piumasaaqatinik naammassinninnissamut ajornakusoorsinnaanera aamma tikkuarneqarpoq. Annertussusissaq naammattoq anguniarlugu, suleqatigiissinnaaneq piginneqatigiissinnaanerluunniit aaqiinerusinnaavoq.

Kapitali 4-mi suliassanik angisoorsuarnik piviusunngortitsinissamut aporfiusinnaasut pineqarput. Akileraartarnermut pissutsit ilaatut isigineqarput, atsitassanik pianaerup aluminiumik suliffeqarfiillu annertuunik assigiinngissuteqarlutik. Nalagaaffinnut allanut aatsitassarsiornermik ingerlatsiviusunut sanilliullugu Kalallit Nunaat aatsitassanik pianaerumut pitsaaqutilimmik 37 procentimik pissarsianiit akileraasusiinissami inissisimavoq. Aluminiumik tunisassiornissamut allaaneruvoq. Uani naalagaaffinnut allanut aluminiumik tunisassiortunut sanilliullugu Kalaallit Nunaat 43 procentimik annerusumik akileraarusiivoq, tassa taamaalilluni Island-miit marloriaammik annertunerisumik, taamaalillunilu Kalaallit Nunaat aluminiumik suliffissuarnut orniginarpallaarani. Kalaallit Nunaata iluani akileraarutinut procentit assigiinngitsuuneranut pissuteqarpoq, aatsitassanik suliniutit kommunit aggulunnerisa avataanni inissisimammata. Aporfik alla tassaavoq, kalaallit nunaanni inuutissarsiuuteqarnerup annertussusaata killeqarnerat, aamma kapitali 3-mi taaneqartoq.

Kapitali 5-imi inatsisitigut aporfissat pineqarput. Kapitalimi immikkoortoq qitiusoq tassaavoq, avataanit sulisussat pillugit apeqqut. Immikkoortut allat tassaapput nassiussassanik imaatigut assartuinissamut, sulinerimi ajoqusernermut sillimmasiinerumut, akileraartarnermut tunngasunut aammalu erngup nukinganik atuinissamut inatsisiliorneq.

Kapitali 6-i ajornartorsiutit pillugit kapitalini siulliini aaqiissutissatut siunnersuutaasinnaasunut tunngasuvoq. Uani pitsaasorujussuavoq, inuutissarsiornermut suliassani angisoorsuarni (nassuiaammik ilanngussaq 3) sanaartornermut atortulersuinerumullu pillugu Inatsisartut inatsisissaattut siunnersuummik suliaqartoqarsimanera. Kalaallit Nunaanni akissarsiaqarnermut isumaqatigiissutini allaanerusunik atugassaqtitaalluni suliassanik angisoorsuarnik suliniuteqarnermi sanaartornerup ingerlanerani avataaniit sulisoqarsinnaaneermut inatsisissatut siunnersuut periarfissiivoq. Inatsisissatut siunnersuut 2012-imi upernaakkut ataatsimiittoqarnerani saqqummiunneqassasoq pilersaarutaavoq.

Kapitali 7-i kapitali 6-imi aaqiissutissatut siunnersuutitut titartakkanut akuutitsinissatut pilersaarummut siunnersuutaavoq.

Aningaasaqarnikkut allaffissornikkullu kingunerisinnaasai
Nassuiaammik toqqaannartumik kinguneqanngilaq.

Qullersaqarfiup oqaaseqaataa.
Oqaaseqaatissaqanngilaq.



Allaffeqarfiup naliliinera

Kommunip tungaaniit isigalugu aluminiumik suliniut soorunami soqutiginarneraavoq. Ukiuni kingullerni marlunni suliniutip uninngasimaneranut peqquutaasut annersaasa ilagivaat, sanaartornerup ingerlanneqarnerani avataanit sulisoqarnissamik apeqqut. Taamaattumik taanna pillugu inatsisissatut siunnersuummik upernaakkut atatsimiinnermi akuersissutigineqartussatut naatsorsuussaasumik suliaqartoqarsimanagera pitsaasuuvoq.

Nassuiaat ataatsimut isigalugu aluminiumik suliniut siumut ingerlaqqittoqalersimanageranik oqariartuuteqartutut isigineqarsinnaavoq, tamannalu pitsaasuuvoq. Illuatungaatigulli nassuiaat taanna ajornartorsiutinik suli naammassineqanngitsumik amerlasuunik ersersitsivoq, aammalu ersarippoq, aluminiumik suliniut pillugu 2012-imi immaqalu aamma 2013-imi inaarutaasumik aalajangiisoqarnavianngitsoq.

Suliniutsumut isummanut sunniinarluni kommunip eqqarsaatersuutigisariaqagai immikkoortut marluupput.

Siulleq tassa nassuiarlugu, sooq aluminiumik suliniut (sulisunut nalinginnaasumik atugassaqartitsinerup ungasinnerusoq isigalugu aatsitassanik nungusaataanginnera) aatsitassanik aamma uuliamik/gassimik suliniutinut assersuunneqarsinnaanginnera, taamaalillunilu amerlasuutigut Nunatsinnut orniginarnerulluni.

Aappaa tassaavoq akileraarusiisissamik apeqqut. Aatsitassanut tunngatillugu Kalaallit Nunaat akileraarusiisarneq eqqarsaatigalugu ilaammat ajunngitsuuvoq, kisianni aluminiumik suliniut taanna atuunnissaa anguniagaasariaqarpoq, maannakkut akileraarutit qaffasissusaa annertuumik ajornartorsiutaammat. Aatsitassanik piiaanermi 47 procentimik Canada akileraarusiisarpoq, kisianni aluminiumik suliffissuarnut taamaallaat 32 procentimik, tamassumalu isigisinnaanngortippaa, aluminiumik suliffissuaqarneq orniginarnerutinneqartoq. Aatsitassanut akileraarusuinerit Kalaallit Nunaanni killormoorput, kisianni aluminiumut 43 procentiulluni, tamannalu aatsitassaqarnernut ajunngivippoq, kisianni aluminiumuunngitsoq.

Allaffeqarfiup innersuussutaa

Aatsitassanut Attaveqatigiinnermullu ataatsimiititaliamut / Aningaasaqarnermut ataatsimiititaliamut innersuussutigineqassaaq, aluminiumik suliniutip immikkuullarissuunera pillugu immikkoortuuneranik tikkuussisumik kiisalu Kalaallit Nunaanni aluminiumik suliffissuaqarnermik annertuallaamik akileraarusiisarneq pillugu tusarniummut akissuteqartoqassasoq.

Aatsitassanut Attaveqatigiinnermullu ataatsimiititaliami suliap sularinera

Aatsitassanut Attaveqatigiinnermullu ataatsimiititaliap marsip 6-ani 2012-imi ataatsimiinnermini allaffeqarfiup innersuussutaa akuersissutigivaa, Alcoa-milli suliniutip kinguarsaqqineqannginnissaa Aatsitassanut Attaveqatigiinnermullu ataatsimiititaliap pingaaruteqartutut kissaatigivaa, taamatullu aatsitassanik piianissamut atatillugu akileraarusiisarnissami selskabinut iluanaarutinullu akileraarusiisarnissarlu imminnut ataqatigiissinneqallaqullugit.



Innersuussut

Aningaasaqarnermut ataatsimiititaliamut innersuussutigineqassaaq, aluminiumik suliniutip immikkuullarissuunera pillugu immikkoortuuneranik tikkuussisumik kiisalu Kalaallit Nunaanni aluminiumik suliffissuaqarnermik annertuallaamik akileraarusiisarneq pillugu aammalu Alcoa-mi suliniutip kinguarsaqqineqannginnissaa pingaaruteqartoq, taamatullu aatsitassanik pïianissamut atatillugu akileraarusiisarnissami selskabinut iluanaarutinullu akileraarusiisarnissarlu imminnut ataqatigiissinneqallaqullugit, tusarniummut akissuteqartoqassasoq.

Aalajangiineq

Innersuussutigineqartoq akuersissutigineqarpoq. 1 mia. koruuninik killiliussineq kommunalbestyrelsillu avataaniit suliartortussanik aqutsisinnaanera ilanngunneqassapput.

Ilanngussaq

1. Kalaallit Nunaanni inuussutissarsiornermut suliassat angisoorsuit piviusunngortinneqarnissaannut atugassarititaasussanut killissaliussat pillugit nassuiaat

Imm. 13 Kangerlussuarmi A7-imi siullermeertumik sanaartorfígissaasoqarnissaanut missingersuutitígut nuutsineq

Journalnr 17.02.01.

Tunuliaqutaq

Sisimiut Kommunerisimasaani ukioq 2006-imit 2008 tikillugu missingersuutini, Kangerlussuarmi sanaartorfígissaanissamut 2,6 mil. koruunit immikkoortinneqarnikuupput. Taakkunanga 2,569 mil. koruunit Qeqqata Kommuniata 2011-mut missingersuutaani konto 77-70-30-mut nuutsinneqarput, aningaasallu taakku 2012-imut nuutsinneqarnissaat naatsorsuutigineqarluni.

Maleruagassatígut tungavissat

Sanaartorfígissaaneq, pisortat kuuffeqarfinnut aqquersuutaat aamma pisortat aqqusiniutaat pillugit Inatsisartut inatsisaat nr. 16, 17. november 2010-imeersoq. Sanaartorfígissaaneq kommunip akisussaaffigaa, sanaartorfíssanilu attavilerneqartunit sanaartorfígissaanermut akiliuteqarnissaannik piumasaqarsinnaalluni.

Pissutsit atuuttut

Kommunip pilersarusiorfígineqarneranut tapiliussaq nr. 40 naapertorlugu Myers Ave-p avannaatungaani immikkoortoq A7-p siullermeertumik sanaartorfígissarneqarnissaa, Teknikkimut Avatangiisinullu Immikkoortortap pilersarusiornikuuaa, 2012-imilu februaarip 7-iani suliaasaq suliariumannittussarsiuunneqarnikuulluni.

Suliaasamat missiliuut A 3,346 mil. koruuniuvoq. Missiliuut suliariumannittussarsiuussinerlu ilanngussatut ilanngunneqarput.

Nalinginnaasumik ulluni 20-ni neqeroortígineqartumik allanngortitsinnaannginnerup marsip 12-iata tungaanut sivitsorneqarnissaa, akikinnerpaalluni neqeroorteqartup akueraa.

Isumaqatígíissusiornissaaq sivitsoqqinniaruni, erngup kuuffissuullu aqquataannik avataanut inniminniinissami, ukioq manna pajuttaatip naggammik tikinnissaanut kingusinaartitsissaaq.

Aningaasaqarnikkut allaffissornikkullu kingunerisinnaasai

Kangerlussuarmi sanaartorfígissaanissamut konto 77-70-30-mi maannakkut 2,569 mil. koruunit uninngasuutigineqarput, sanaartorfígissaatitsinissallu aallartinneqarnissaanut 777.000 koruunit amigaatígineqarlutik.

Aningaasat amigaatígineqartut Kangerlussuarmi aqqusernginut konto 72-36-30-mi, ukiup 2011-p naanerani 1,712 mill. koruuninik uninngasuutigineqartut, 2012-imullu nuutsinneqarnissaanik naatsorsuutigineqartunit tiguneqarsinnaapput.

Nunaqarfimmi aqutsisut oqaaseqaataat

777.000 koruunit konto 72-36-30-mit konto 77-70-30-mut nuutsinneqarnissaannik siunnersuut, Kangerlussuarmi nunaqarfimmi aqutsisut februaarip 23-ani ataatsimiinnerminni eqqartorpaat, aalajangerlugulu 2011-mi konto 72-36-30-mi aningaasat 1.7 mill sinnerussimasut atorluarniarlugit 777.000 koruunit nunagissaanermut kontomut nuuttinneqarsiinnaasut. Aningaasallu sinneruttut 1.1 mill. Qulakkeerussapaat aqqusinernut qullilersornissamat ukiormannamat atorneqassasut.

Allaffeqarfiup naliliinera

Entreprenøri akikinnerpaalluni neqeroorteqartoq maannamuugallartoq anguneqarsinnaanngitsoq nalilerneqarpoq, entreprenøriilu Entreprenørservice SFJ v. Jørgen Mortensen suliaasamik suliarinnissinnaalluortoq nalilerneqarluni. Tulliulluni akikinnerpaalluni neqeroorteqartoq 1,049 mill. koruuninik akisuneruvoq.



Innaallagissamut tunngasut minillugit sanaartorfigissaanissap pilersaarusioneqarnera kommuni nammineerluni suliarinikuuaa, suliassallu suliarineqarnera nammineerluni nakkutigisussaallugu. Pilersaarusioneq nakkutilliinissarlu siunnersortinit namminersortunit isumagineqassagaluarpat, sanaartorfigissaatitsinissaq 0,500 mill. koruunit missaannik akisunerussagaluarpoq. Aningaasat amigaatigineqartut Kangerlussuarmi aqquusernginut konto-mit nuutsinneqassappata immikkut aningaasaliissuteqartoqartariaqassanngilaq, taamaalilluni aningaasatigut killiliussaq piaartumik anguneqarluni sanaartorfigissaatitsinissaq ukioq manna aallartinneqarsinnaassagaluarpoq. Nammineerluni illuliassat Illorput 2000-it pingasut sanaartorfissaq 5.4-mi B-1997-itut kommunip sanaartortitai atuutsilerneqassappata, immikkoortoq A7-imi siullermeertumik sanaartorfigissaasoqartariaqarpoq.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap marsip 6-ani 2012-imi ataatsimiinnermini allaffeqarfiup innersuussutaa akuersissutigivaa.

Innersuussut

Teknikkimut Avatangiisinullu Immikkoortortap Aningaasaqarnermut ataatsimiititaliamut innersuussutigaa,

Kangerlussuarmi aqquusernginut konto 72-36-30-mit 777.000 koruunit, Kangerlussuarmi sanaartorfigissaanissamut konto 77-70-30-mut nuutsinneqassasut, entreprenørilu akikinnerpaamik neqerooruteqartoq sanaartorfigissaatinneqarnissaa aallartinneqassasoq.

Aalajangiineq

Innersuussutigineqartoq akuersissutigineqarpoq.

Ilanngussat

1. Missiliuut A, suliariumannittussarsiuussinermilu angusat.
2. Pilersaarutitut titartagaq T002 sanaartorfigissaaneq A7 etape 1.



Imm. 14 Sisimiuni ikuallaavimmut eqqagassanut angisuunut aserorterut nutaaq

Journalnr. 27.04.00

Tunuliaqutaq

Ikuallaavimmi maannakkut aserorterutigineqartoq, taamani ikuallaavik atuleqqaarmalli pigineqarpoq, piffissallu sivisuup ingerlanerani arlaleriarluni unittoornikuulluni. Ilaatigut 2011-mi motooria marloriarluni taarserneqarpoq. Tamatuma saniatigut pissutsit assigiinngitsut patsisaallutik arlaleriarluni unittooqqanikuuvoq. Innaallagissamut aqutsivik iluamik inissisimannilaq, arlaleriarlunilu biilinit aqqusaarneqarnikuulluni. Tamatumua kingunerisaanik innaallagissamut aqutsivik pitsaavallaarunnaarnikuuvoq, ikuallaavimmilu tassunga innaallagissamik pilersuinnassagunik, innaallagissamut aqutsiviup nutarterneqarnissaanik Nukissiorfiit piunasaqarnikuullutik. Eqqagassat mikisunnguannorlugit aserorterneqartarnissaat pingaaruteqartorujussuuvoq. Eqqagassat annerit eqqagassanut nakkartitsivikkoortinneqassagunik aserorteqqaarneqartariaqarput. Eqqagassat allat eqqarsaatigalugit aserorterut akulerutsitsillu arnerusarpoq, taamaaliornikkullu ikuallaaneq pitsaanerusaluni. Ikuallaaviup unittoortarneranut ilaatigut eqqagassat aqutugalugit saviminerit aannikut, saviminerillu annerit uunnaavimmukartoortarnerinik patsiseqartarpoq. Saviminerit arsakunut ajatsissummut nakkartitsivianullu nippussuuttarput, taakkulu piissagaanni ikuallaavik tamarmi unitsinneqaaqartariaqarluni, takuuk ilanngussaq 1-imi eqqagassat arsakullu assingat. Aserorterummik magnetbånd-italimmik nutaamik pisinikkut, eqqagassat uunnaavimmukartinnagit saviminerit tamarmik immikkoortinneqarsinnaalissapput. Ikuallaaviup silataani avannaatungaanni aserorteriup inissinneqarnissaa annertuumik kissaatigineqarpoq, tassuunakkut aserorteriup immerneqarnissaanut tikikkuminarnerullunilu isumannaannerussammat.

Konto 76-10-10-50-61 aqutugalugu ikuallaavimmut aserorterummik nutaamik pisinissaq, Teknikkimut Avatangiisinullu ataatsimiititaliap 07 11 05-imi ataatsimiinnerani immikkoortoq 12-imi ilanngussaq 1-imi eqqaaneqarnikuuvoq, taannalu ikuallaavimmi pitsanngorsaataasussatut eqqaaneqarnikuulluni.

Maleruagassatigut tunngavissat

Konto 6-imi teknikkimut tunngasut, matumani teknikkimut tunngasunut atortussat ilanngullugit Teknikkimut Avatangiisinullu ataatsimiititaliap akisussaaffigai.

Pissutsit atuuttut

Kalaallit Nunaanni ikuallaavinni assingusuni aserorterutit atorneqartut misissuataareerlugit paasinarsivoq, angissutsit assigiinnatik ilisarnaat ataasiinnaq atorneqartoq. Aasianni Ilulissanilu innaallagissamut attavilertagaq Hammel VB450 ikuallaaviup iluaniisillugit atorneqarput. Nuummi Hammel VB750 Diesel marluk pigineqarput. Tamannalu tuniniaasartullu siunnersuutaat tunuliaqutaralugit ingerlatsinermi immikkoortortaqarfiup VB650 diesel nutaamut aamma VB750 Diesel atornikumut neqeroortitsivoq. Maskiinat tamarmik magnetbånd-itaqarput.



***Aningaasaqarnermut ataatsimiititaliap marsip 8-ni 2012-imi ileqqusumik ataatsimiinnerata
02/2012-ip imaqarniliornera***

<u>Kiesel-mit missingersorlugu akigititaq</u>	
Overbåndsmagnet ilanngullugu VB650 D nutaaq:	1.445.000
Haalimi transportbånd-i	<u>65.000</u>
Ataatsimut akigititaq	1.510.000
Assartorneqarnera (missingersorlugu)	85.000
ikkussornera, attavilerner aamma metalcontainer il.il. (missiliorlugu)	75.000
Naatsorsuutiginnisamik aningaasartuutaasinnaasunut	<u>50.000</u>
Katillugit	<u>1.720.000</u>

Arctic Import-imit neqeroorut

Atornikoq, tamakkerlugu nutartigaq VB750D, overbåndsmagnetilik	1.111.000
Transportbånd. Sliske aamma metalcontainer	<u>185.000</u>
Ataatsimut	1.296.000
Assartorneqarnera (missingersorlugu)	85.000
Ikkussorneqarnera attavilerner il.il. (missingersorlugu)	60.000
Naatsorsuutiginnisamik aningaasartuutaasinnaasunut	<u>50.000</u>
Katillugit	<u>1.491.000</u>

Atornikoq VB750D VB650D-mut sanilliullugu marloriaatipajaanik aserorterisinnaavoq, atornikorlugu pisiarineqaralarpat akunnerni annikinnerusuni ingerlasassaaq, assoroortinneqarneralu annikinnerussalluni. Tamatuma kingunerisaanik aserfallatsaalinermi aningaasartuutissat annikinnerussasut, aserorterullu sivisunerusumik atassasoq naatsorsuutigineqarpoq. Ilutigalugu siunissami illoqarfinit nunaqarfinniillu allanit eqqagassat ilaatigut assartorneqartussat annerusinnaalissapput. Eqqagassat taakku qularnangitsumik eqikkarneqarsimallutik poortorneqarsimallutillu palitersuarunut assartorneqartassapput, taakkulu maskiinap ajornaquteqanngitsumik aserortersinnaassallugit.

Massakkut aserortervik naleqarpallaanngilaq, Danmark-imullu tunineqassagaluaruni assartorneqarneranut matussutaaginnassalluni. Assartorneqarnissaa akisussaqimmat, maannakkut tunineqassanngitsoq innersuussutigineqarpoq. Aserorterut siunissami sillimmatissat atornerarsinnaavoq, maannakkullu misissueqqissaarfingineqartumut komposteringsanlæg-imut /biogasanlæg-imut aserortervissatut akoorivittullu ilaatigut atornerarsinnaassalluni. Tamannali erarinnerusumik misissuiffingineqassaaq.

Aningaasaqarnikkut allaffissornikkullu kingunerisinnaasai

Aserorterummik pisinissaq, tullinnguuttutut sanaartornermi kontomut 76-10-10-50-61-imut nuutsinikkut aningaasalorsorneqassaaq.

Konto	Taaguutaa	Aningaasa- liissutit	Naatsorsuuti- gisamik atui- nissaq	Pisariaqar- tinneqartut
7610105061	Aserorterviuq pitsanngorsarneqarnera	650.000	1.491.000	841.000
6805102120	Innaallagiaq	800.000	550.000	-250.000
6805107999	Kiammik tunisineq	-2.500.000	-2.850.000	-350.000
6805102206	Aserorterut	93.000	52.000	-41.000
6805102201	Uunnaaviuq teknikkikkullu atortuutit iluarsartuunneqarnerat	937.000	737.000	-200.000



***Aningaasaqarnermut ataatsimiititaliap marsip 8-ni 2012-imi ileqquusumik ataatsimiinnerata
02/2012-ip imaqarniliornera***

	Pisariaqartinneqartut katillugit			0,-
--	---	--	--	------------

Innaallagissap akikillineratigut, Nukissiorfimmut kiammik tunisinerup pitsanngoriarneranut ilutigitillugu kiammik tunisinermi akigitat qaffannerisigut, 2012-imi nuutsinissamik qinnutigineqartut piviusorsorsorinarput.

Qullersaqarfiup oqaaseqaataa

Annerusumik oqaaseqaatissaqanngilaq.

Allaffeqarfiup naliliinera

Nuutsinissamik kissaatigineqartut kingunerisaannik, 2012-imi innaallagissap akiata akikillineratigut, 2011-llu naanerani kiammik tunisinerup pitsanngoriarnerata kingunerisaanik missingersuutitigut sukangasuumik aqutsisoqarneratigut missingersuutit sipporneqannginnissaat naatsorsuutigineqarpoq. Maannakkut aserorterut nungullarsimasorujussuuvoq, aserfallanneqarneralu imminut akilersinnaajunnaaqqalluni. Ilutigalugu ikuallaaviup sivisuumik uninngatinneqarneratigut ikuallaaneq ingerlanerlulertarmat, uunnaavillu uninnessaa annerulersarmat, sivisuumik uninngatitannnginnissaa pingaaruteqartorujussuuvoq.

Maannakkut pisariaqartinneqartumut sanilliullugu aserorterutup atornikup aserortersinnaasai annerujussuummata, atornikumik aserorterummik pisisoqarnissaa akornutissaqanngitsoq nalilerneqarpoq.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap marsip 6-ani 2012-imi ataatsimiinnermini allaffeqarfiup innersuussutaa akuersissutigivaa.

Innersuussut

Teknikkimut Avatangiisinullu Immikkoortortap Teknikkimut Avatangiisinullu ataatsimiititaliamut Aningaasaqarnermullu ataatsimiititaliamut akuersissutigeqqullugu innersuussutigaa, nuutsinissamik qinnuteqaat, aserorterummillu nutaamik pisinisaaq akuersissutigineqassasoq.

Aalajangiineq

Innersuussutigineqartoq akuersissutigineqarpoq.

Ilanngussaq

1. Nalinginnaasumik eqqartakkat, arsakullu saviminernik akullit assingat.



Imm. 15 Nunap iluata sanaartorfissaqqissusianik misissuinissamut qillerutip tunniunneqarnissaa

Journalnr. 10.10.02

Tunuliaqutaq

2000-ip aallartinnerani Center for Arktisk Teknologi-p (ARTEK-ip) pilersinneqarneranut atatillugu ARTEK-ip atortorissaarutitigut kissaatai annertupput. ARTEK aallartilluaqqullugu atortussanik tunissuteqarfigniarlugu, imaluunniit atortussanik ARTEK-ip attartorsinnaasaanik pisiniarluni kommuniq eqqarsaatigaa.

Allakkatigut 2002-imi januaarip 17-ianeersutigut ARTEK-ip Sisimiut Kommunerisimasaanut siunnersuutigaa, nunap iluata sanaartorfissaqqissusianik misissuisinnaaniassagamik, nunap iluata sanaartorfissaqqissusianik mississuinissamut qillerummik pisisoqassasoq.

Nunap iluata sanaartorfissaqqissusianik mississuinissamut qillerummik pisinissaq, pikkorissartitsisoqarnissaa, garage-amik sanaartortoqarnissaa, containerisinissarlu katillugit 1.500.000 koruuninik naleqassanganineqartup Kommunalbestyrelsip 2002-mi akuersissutigaa. Taamani 1 mio. koruunit missaat siunertamut atorineqarput.

Missingersuusiornermi naatsorsuutigineqarpoq, Sanaartornermik Ilinniarfiup namminersortullu ukiumut qaammatip aappaa avillugu qillerummik attartortassasut, allallu attartornissaminut aamma periarfissinneqartassasut.

Maleruagassatigut tunngavissat

Teknikkimut Avatangiisinullu ataatsimiititaliap konto 2-mi teknikkikut avatangiisinullu tunngasut, matumani immikkoortuni taakkunani atortuutit ilanngullugit akisussaaffigai.

Pissutsit atuuttut

Nordmeyer DSB 0/3 2002-rnisaq pisiarineqarpoq, sulisullu marluk qillerummik atuisinnaanngorlutik ilinniarnikuullutik.

Containerinut inissiisarfirmut nutaamut nuunneqartigani, qillerut

entreprenørpladsimiinneqarnikuuvoq. Ullumikkut aatsitassanut ilinniarfimmiiippoq.

Qillerut 2003-mili Sanaartornermik Ilinniarfirmut suliffeqarfinnullu attartortinneqartarpoq.

Kommuniq misissuisitsineranut arlalinnguanut atatillugu atorneqarnikuuvoq, pingaarnertulli

Sanaartornermik Ilinniarfirmut, kingusinnerusukkullu ARTEK-imut attartortinneqarluni.

Ukiuni kingullerni qillerut atorneqarnikuunani, aserfallatsaalineqarnikuunani

containerimiiginnaarpoq.

Qillerutip atorneqarpianninnera, attartortinneqarpianninneraluunniit patsisaalluni ukiuni kingullerni qillerummik konto 27-01-17 sipaarniarfigalugu atorunnaarsinneqarnikuuvoq.

ARTEK-ip Aatsitassanullu ilinniarfiup nunap iluata sanaartorfissaqqissusianik mississuinissamut

qillerut tigorussuppaat, taamaattumillu Aatsitassanut Ilinniarfiup naliliineratigut

iluarsartuunneqarnissaanut taarsersuinissamut aningaasartuuteqangaatsiarnissaq

naatsorsuutigineqassalluni.

Aningaasaqarnikkut allaffissornikkullu kingunerisinnaasai

Teknikkimut Avatangiisinullu Immikkoortortap nalilerpaa, nunap iluata sanaartorfissaqqissusianik

mississuinissamut qillerut atorneqarani uninngaannarneranit ARTEK-imut Aatsitassanullu

ilinniarfirmut tunniunneqaruni ajunnginnerussasoq. ARTEK-immiuna siunnersuuteqarneratigut

pisiarineqartoq.

Tunniunneqaralarpat aserfallatsaalinerimut, sillimmasiissummut, iluarsartuunneqarneranut

taarsersuinernullu aningaasartuutissanut kommuni sipaaruteqassaaq.



Allaffeqarfiup naliliinera

Allaffeqarfiup nalilerpaa, nunap iluata sanaartorfissaqqissusianik mississuinissamut qillerut atortussallu ARTEK-imut Aatsitassanullu ilinniarfimmud tullinnguuttut piumasaqaatigalugit tunniunneqassasoq:

1. Nunap iluata sanaartorfissaqqissusianik mississuinissamut qillerut pingaartumik ilinniarfimmud atortussallu atortussasoq.
2. Qillerut Sisimiuniissaaq, kommunilli avataani suliaassanut assigiinngitsunut atortussallu atortussasoq.
3. Qillerut atortussallu ilinniarfimmud atortussallu atortussasoq attartortinneqarsinnaassasut, Nunatsinniinnarlut attartortinneqarsinnaassasut.
4. ARTEK Aatsitassanullu Ilinniarfik akilertillugit kiffartuussisinnaassasut.
5. Ingerlatsinermut aserfallatsaalinnissamullu siunissani aningaasartuutissat ARTEK-ip Aatsitassanullu Ilinniarfiup isumagisarilissagai.
6. kommunip suliaasaataanut atortussallu misissuisitsinerit 2015 tikillugit akeqartinneqassanngitsut.

Teknikkimut Avatangiisinullu ataatsimiititaliami suliaq suliarinera

Teknikkimut Avatangiisinullu ataatsimiititaliap marsip 6-ani 2012-imi ataatsimiinnermini allaffeqarfiup innersuussutaa akuersissutigivaa.

Innersuussut

Teknikkimut Avatangiisinullu Immikkoortortap Teknikkimut Avatangiisinullu ataatsimiititaliamit aningaasaqarnermillu ataatsimiititaliamit akuersissutigisassanngorlugit innersuussutigaa,

Siuliani piumasaqaatit taakkartorneqartut piumasaqaatigalugit, nunap iluata sanaartorfissaqqissusianik mississuinissamut qillerut ARTEK-imut tunniunneqassasoq.

Aalajangiineq

Innersuussutigineqartoq akuersissutigineqarpoq.

Ilanngussaq

1. Nunap iluata sanaartorfissaqqissusianik mississuinissamut qilleruttip.



Imm. 16 Nunaannarmi allagartalersuineq paasissutissiinerlu

Journalnr. 12.01.00

Tunuliaqutaq

2011-mi ukiup nikinnerani nunaannarmut nunaminertamik oqartussaanerup tiguneqarnerani nunaannarmik aqutsineq kommunip suliassarilernikuuvaa. Nunaannarmut najoqqutassaqaangilaq ammalu allagartanik paasissutissanillu ikkussuinissamut malittarisassaqaangilaq.

Aasaq manna pisulluni aqummi Artic Circle Trail-imi pilerisaarutitut allagartanik suliffeqarfimmik ingerlatsisoq ikkussuinikuuvoq, aammalu allat suliffeqarfutiminnik siuarsaasinnaasunik allagartanik paasissutissiisutunik ikkussuinikuullutik. Inuutissarsiornermut siunnersuisooqatigiit assigiiartunik allagartalersuinikkut pitsaanerumillu paasissutissiisarnikkut takornariaqarnej siuarsarusuppaat, aammalu tamanna pillugu suliniummik ingerlataqarlutik. Taakku saniatigut isumannaallisaaneq eqqarsaatigalugu sumiiffiit ilaat ilisarnaasersortariaqarput. Taamaalilluni allagartalersuinissamik pisariaqartitsineq pilersimavoq, aammalu nunap timaani/nunaannarmi arriitsumik takussaaleriartorluni.

Nunap timaata/nunaannaap isikkua tamaatiinnarniarlugu, allagartalersuineq taanna eqqarsaatigilluarneqartariaqarpoq, soorlu assersuutigalugu New Zealand-imi nuna tamakkerlugu allagartat assigiit ersarissut nunallu pissusaanut tulluurtut atornejarput, kiisalu qanoq inissinneqarnissaanut periutsinik peqartoqalaarluni.

Taamaattumik allaffeqarfik inuutissarsiornermut siunnersuisooqatigiit suleqatigalugit nunap timaani / nunaannarmi allagartalersuinissamut malittarisassiamik suliaqarnikuuvoq.

Taakku saniatigut angallaneq, piniarneq takornariaqarnermulu tunngatillugu ajornartorsiutaasinnaasut aaqqiiviginiarlugit allagartat ikussuuneqartarnissaannut siunnersuummik suliaqartoqarnikuuvoq.

Maleruagassatigut tunngavissaq

Pilersaarusionernej aamma nunaminertat atornejartarnerat pillugu Inatsisartut inatsisaat nr. 17, 17. november 2010-meersoq, tak. ilanngussaq 1.

Pissutsit atuuttut

Allagartalersuinerit il.il. ilusilersorneqarnissaannut Inuutissarsiornermut siunnersuisooqatigiit Namminersorlutik Oqartussanit 62.500 koruuninik pissarsinikuupput. Ilusissaannut periusissat nunap timaani / nunaannarmi allagartalersuinissamut Malittarisassiamut ilanngussami takuneqarsinnaapput. Ilusissat inaarutaasut qalipaattillit allassimanerisalu angissusissaat pigineqaleriarpata, taakkua ilanngussani periutsinut taartaassapput.

Kommunimi nunap timaani angallannermut, piniarnernut tunngatillugu, pisunnernut nalinginnaasumillu paasissutissiinernut atorsinaasumik, nunap ataqatigiinneranut pitsanngorsaalluni sulinerup pissutilimmik siammasissumik Qeqqani Inuutissarsiornermut siunnersuisooqatigiit suleqatigalugit suliaq aqunneqarlunlu ineriartortinneqassaaq. Allagartat ilusissaannik inissinnissaanullu toqqaaneq ima inaarsarneqassaaq, allagartalersuinermut ataatsimoorpasissumik pilersitsisumik pilersitsisoqarluni,



Allagartanik ikussinissamut pisariaqartitsineq paasinialugu inuutissarsiornermut siunnersuisooqatigiinnik, takornariaqarnermut paasissutissiisarfirmmik, WOGAC-imi, qatserisartoqarfimmi, piniartitsisartunik Kangerlussuarmilu kiffartuussivimmik ataatsimeeqateqartoqarnikuuvoq.

Aningaasaqarnikkut allaffissornikkullu kingunerisinnaasai

Ilusissaannut periusissaq Namminersorlutik Oqartussanit akilerneqarnikuuvoq.

Allagartanik atugassanik sananeq kiisalu assartuineq tunniussinerlu kommunimit tullinnguuttut aningaasalersorneqassaaq:

Kangerlussuarmi 22-t:

- Motoorilinnik ingerlaffioqquusaanngitsumi allagartat 6-it, paasissutissiinermit peqqusinermullu allagartat 14-it – ataaseq assiaqummi aamma ataaseq eqqaasartarfimmi arfineq-pingasut piniarsinnaanermut allagartat aamma sisamat masarsoqarfimmut. Akia tamakkiisoq 40.000 koruunit Kangerlussuarmut konto-mit ingerlatsinermit kontomi 20.01.30.1299-mit tiguneqarsinnaavoq.
- Pingaarnertut paasissutissiiviit marluk aammalu paasissutissiivik nerriviusaq ataaseq. Akia tamakkiisoq 25.500 koruunit takornarissanut illuaqqanullu konto 37-mit tiguneqassaaq.

Sisimiuni 12-it:

- Angalaffissat pillugit allagartat paasissutissiiviit marluk, allagartat paasissutissiisinnaasut 8-t. Akia tamakkiisoq 38.300 koruunit ingerlatsinermit kontomit 20.01.10.15.99 tiguneqassapput.
- Allagartat paasissutissat marluk. Akia tamakkiisoq 16.400 koruunit missaaniittoq takornarissanut illuaqqanullu kontomit 37-mi tiguneqassaaq.

Destination Arctic cirkel trail, Sisimiut-Kangerlussuaq:

- Illuaqqanut allagartat 8-t. Akia tamakkiisoq 20.800 koruunit missaaniittoq takornarissanut illuaqqanullu konto-mit 37-mit tiguneqassaaq.
- Allagartat paasissutissiisut qulit. Akia tamakkiisoq 13.200 koruunit missaaniittoq takornarissanut illuaqqanullu konto-mit 37-mit tiguneqassaaq.

Allagartat marsimi inniminneerseqassasut naatsorsuutigineqarpoq, ingerlatsinernullu immikkoortoq / qatserisartut allagartat pigineqartut ikussuunnissaat isumagissavaat, sulilu aputeqartillugu ingerlanneqassallutik illuaqqanik il.il. alakkarteriutigaluni.

Qullersaqarfiup oqaaseqaataa

Annertunerusumik oqaaseqaatissaqanngilaq.

Allaffeqarfiup naliliinera

Allagartat nalaatsorneriinnakkut ikkutat assigiinngitsunik isikkullit pinngortitarsuarmiinnermi misigisassamik akornutaassapput, aammalu ikkussisup kinaassusaa ilisimaneqassanngimmat allagartap eqqortuuneranik nalornilersitsilluni. Aammattaaq allagartalersuinnginnerup pisunik ajutuulaarnernik pisoqarnera kingunerisinnaavaa, soorlu assersuutigalugu aasaq manna takornariaq Nasaasaamiit kukkulluni ammuqarsimasoq, qatserisartunillu annaanniarneqartariaqarsimasoq.



Pilersaaruserluni eqqortumik inissitanik assigiinnik allagartalersuineq, takornarissat innuttaasullu nunaannarmi angalaneranni annerusumik toqqissimatitsissaaq. Allagartat aamma assigiimmik takuneqarsinaasutut amerlavallaartinnagit isikkulerlugit inissitaagunik takujuminarnerussapput.. Allagartanut najoqqutassiaq allagartat qanoq isikkoqarnissaanut akuerisaasoq ilusilersorneqarnissaanullu ilitersuutitalik, annertuumik allaffeqarfimmut oqilisaataassaaq, taamaattumillu allaffeqarfiup innersussutigissavaa, ilanngussami 2-mi nunap timaani / nunaannarmi allagartalersuinissamut malittarisassiaq akuersissutigineqassasoq.

Atuisut assigiinngitsut akulerutsinnerisigut allaffeqarfiup inuutissarsiornermut siunnersuisooqatigiit qatserisartullu suleqatigalugit paasivaat, allagartanik 51-inik ikkussisoqarnissaanik pisariaqartitsisoqartoq. Sisimiuni ikkunneqassapput pisulluni angallaviit illoqarfimmut qanittuni isumannaallisaaneq eqqarsaatigalugu angallannerlu pillugu paasissutissanik pitsaanagerusunik pissarsisarnissaaq. Sisimiuniit Kangerlussuarmut aqutaani takornarissanut atugassarititaasut pitsaanagerulersinniarlugit isumannaallisaanerlu annertusarniarlugit allagartat ikkunneqassapput. Kangerlussuarmi piniarnermik, angallannermik aammalu takornarissat, piniartut nunaqarfimmilu innuttaasut akornanni soqutigisaqatigiit akornanni aaqqiaginnginnerit qaangerniarlugit allagartat ikkunneqassapput. Ilangussami 3-mi allagartat inissiivissaattut ikkussaq sumi inissinnissaannut missingersuutaannaavoq, inissiivissarpiaat sumiiffimmi takuneqarsinnaavoq.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap marsip 6-ani 2012-imi ataatsimiinnermini allaffeqarfiup innersuussutaa akuersissutigivaa.

Innersuussut

Teknikkimut avatangiisinullu immikkoortortap teknikkimut avatangiisinullu ataatsimiititaliamut (aningaasaqarnikkullu ataatsimiititaliamut) akuereqqullugu innersuussutigissaavaa,

- nunap timaani / nunaannarmi allagartalersuinissamut malittarisassiaq akuersissutigineqassasoq aammalu ilusissaannut ilitersuutit qalipaasersukkat allassimanerisalu angissusilikkat ilanngussami missingersuutit taarsissagaat
- **at** Aningaasaqarnikkut kingunerisinnaasai-ni allanneqartutut aningaasalersorneqartumik, angallannermut, piniarnermut takornariaqarnermullu tunngatillugu ajornartorsiutaasut qaangerniarlugit allagartanik 51-inik inniminniisoqassasoq

Aalajangiineq

Innersuussutigineqartoq akuersissutigineqarpoq.

Ilangussaq

1. Pilersaaruserluni aamma nunaminertat atorneqartarnerat pillugu Inatsisartut inatsisaat nr. 17, 17. november 2010-meersoq
2. Nunap timaani / nunaannarmi allagartalersuinissamut malittarisassiaq
3. Allagartanut inissiinissamut missingersuut, inissiivissarpiaa sumiiffimmi 3.1-imi 3.5-imilu takuneqasinnaapput



Imm. 17 Tamalaat

Ilulissani isumasioqatigiinnissaq pillugu borgmesteri paasissutissiivoq.

